


84(2Рос-Коми)-5
1728

С. ПОПОВ







1728

СЕРАФИМ ПОПОВ



412418

5/7

КЫВБУРЪЯС

ГБУ РК «Национальная детская
библиотека Республики Коми
им. С.Я. Маршак»
167901, г. Сыктывкар, ГСП-1, ул. Советская, 20



Коми книжной издательство · Сыктывкар

1976

С (коми)

П 28

Попов С. А.

28 Кывбуръяс. Коми книжнӧй издательство.
Сыктывкар, 1976.

248 лб.

Лыддысысылы вӧзйӧм книгаыс Серафим Алексеевич Поповлӧн — бӧрйӧм гижӧдъяс сяма серияыс. Тайӧ книгаас поэт эз пырт ассыс ни ӧти поэма, но уна во чӧжӧн чукӧрмӧм гижӧдъясыс бӧрйӧм кывбуръяс серти ясыда поэӧ туявны творческой туйсӧ, адзыны поэтлыс корсьӧм-зильӧмсӧ, казавны сылыс ашӧр мӧвпъяссӧ, гражданской видзӧдлассӧ. Поэт сьӧлӧм пыр лэдзӧм кадыс, ас муса Войвывлӧн да ыджыд Рӧдиналӧн серпасясыс, морт ловлӧн лышкыдлуныс — ставыс тайӧ петкӧдчӧ Сер. Поповлӧн кывбуръясын аслыс ногӧн, аслас сер-рӧм пыр, аслас шыясӧн.

Поэт-фронтӧвик ыдждӧдлӧ мелӧлун, мичлун, кыпыдлун, муслун, сьылӧ шудлун, сувтӧ паныд лӧклунлы, мустӧмлы, зывӧклы.


С (коми)

П $\frac{0743-015}{M 128(03)-76}$ 28—76 м

© Коми книжнӧй издательство, 1976

ВОЙ КЫА УЛЫН





ЛУНВЫЛЫН ОЛЫСЬ ЁРТЛЫ

Видлыны менө көть өтчыд да волы,
кузь туйысь, друганой, ёна эн пов,
сы вылын сулалө ёртасян олөм —
өтвыльсь джынъявны нянь да и сов.
Козьнала тэныд ме войвывса кыа,
пармалысь асыв да тувсовъя вой,
петкөдла ассыным юяс да тыяс,
эзысьөн дзирдалө көні быд войт.
Өзтам кө бипур, дерт, ылалам дзикөдз,
та вөсна вештылам стопка да пөрт...
Кодөс став выийөрнас «Вой кыа» сикөтш
Буктыллөн ним динө талун оз йөрт!
Ветлам Полярной Урал дорөдз, другой,
поезд көть төвзёдлас, көть самолёт,
став Коми му ловъя биясьөн югид,
шонди оз гожся моз өні көть сот.
Малича пасьталам, кынман кө ёна,
көр куысь пимисьыд нем абу пөсь.
Чумын кө лоан тэ — быдөнысь дона,
шахтаө волан кызд медыджид гөсть.
Волам, ог вунөдой кежавны ыбө,
мырсьөны көні зиль пиян да ань.
Шоглун оз төдны, быд шомөсын лыбө
көтөм да суктөм бур пызь вылын нянь.
Вөралысь чөсмөдас чериён-яйөн,
төдмалан комилысь ас пуөм сур.
Петав көть сы бөрын дас море сайө,
юантор татшөмыс некысь оз сюр.
Аддзылан удж, дерт, и төдмалан праздник,
сөмын оз паныдась удзөдөм морт.

Некодлы гөрддзасьом кияс не разьны,
некор бур ёртасьом миян оз ор.
Дивёысь дивё тэ аддзан, кор лсктан,
он сөмын комилысь сёрнисö кыв:
ыджыд странаысь сё кыв вылын вокьяс
сылёны Войвывлы выль сыланкыв.
Видлыны менö көть өтчыд да волы,
кузь туйысь, друганöй, ньöти эн пов...
Эз кө вöв му вылас миян кодь олём,—
некутшөм мөд олём меным эз ков!

Пожӧма яг весьтӧ ӧшйӧма енэжлӧн йирыс,
пыксьӧма сылань веж кудриа юрнас быд пу.
Пармалӧн шувгӧмӧн, шондӧн, лысваӧн, сирӧн,
кылан, кыз кыпыда лолалӧ став Коми му.

Кодзувъяс, дивӧ кодъ кодзувъяс дзоргӧны войын,
усьӧ кор эрд вылӧ юсь гӧнысь кокниджык лым.
Нывъяслӧн муслун да зонъяслӧн сывъясян сойыс
войвылын, шуӧны, пыр медся крепыд да пым.

Вӧралан ордымъяс кыссьӧны уна выль карӧ,
кыйсьысьӧс виччысьӧ сэн ӧмидз вом дора ныв.
Пожӧма яг весьтын сыланкыв юралӧ бара.
Тайӧ том му йылысь шуда да том сыланкыв.

Войвывлӧн мич тэнад сьӧлӧмад век кежлӧ пырис,
сэсся кӧть кытчӧ тэ сы дінысь бокӧ он мун,
памятьсьыд куслывтӧм кыалысь серпас он бырӧд,
эзысь Печоралӧн вынйӧрыс некор оз вун.

ЛЕНИН ОРДЕН

Ози важ вөралысьлөн ордым
талун тэнö ну.
Морöс вылад Ленин орден
өзйö, Коми му!

Ловзьöм пармалы да юлы
бурджык шуд оз ков.
Тайö зарни шондi улас
мичмы пыр да ов!

Тэнад помтöм ягъяс весьтысь
воши вöвлöм шог.
Отыв выль олöмсö лэптам
уна чой да вок.

Гора юөр тэрыб борднас
кытшовтiс став му.
Морöс вылад Ленин орден
өзйö, Коми му!

ИЛЬИЧЛӨН ЛАМПОЧКА

Паметь кудйын видзам
вывті уна
казьтылана
серпасьяссö ми...
Пöрысьмыны куті,
но эг вунöд,
сиктын кыдзи öзйис
югыд би.
Пызан увті
ветлі сэки подөн,
пеша бердысь
дасысь кисьтлі вор.
Кытысь тöдны,
пырис кутшöм могөн
миян тшына керкаö
монтёр!
Эз монтёр,—
сэк татшöм ним эг кывлöй!—
карысь волис сюсь да
тöлка зон.
Пеша весьтö,
кодлөн тшын эз сывлив,
провод помö
крукаліс патрон.
Мамö шöпкис:
— Ен мед видзас грекысь!:
Восьса вомөн
вывлань дзоргис бать,
öшöдчис кор
керка йирксянь лек моз

кляничаысь вöчöм
югыд гадь.
Паччöрысь тшöтш лэччис
синтöм дедö,
кодлысь синсö
сёйис пеша би,
сэрöглань жö
нюжöдчис да лэччис
сартастор моз
сылöн косьмöм ки.
Вöли рыт,
кор войыс лунсö зырö,
кодзувъясысь тэчö
ассыс дзуг,
керкааным
нем виччысьтöг пырис
шондi,
зарни шондi пырис друг!
— Енмöй!..— сöмын артмис
менамамлöн,
кыв джын батылы,
тыдалö, эз шед...
Дзикöдз воштiс
тайö рытö сямсö
югыд билы паныд
сувтöм дед.
— Аддза!!!— горзiс.—
Кыланнуд-ö?!! Аддза!..
Бан боктыс кывтiс
синва войт.
Ошиньясын ворсiс
кыа раддзöн
парма сайысь воöм
пемыд вой.
Медводз батьö
аслас садыс воис,
нöбьялiс

лѣк пешакѡд и вор,
пасьтасьтѡгыс нуис
тайѡ вояс
сэтчѡ, кѡні скѡра
бузгис шор...
Нинѡм дзик эг содты
и эг мичмѡд,
вѡрзьѡдны важ вѡвлѡмтор
эг пов.

Ломзис кодыр
лампочка Ильичлѡн,
мича кывйыд
сы дінѡ эз ков.
Ставсѡ ачыс аддзис
керка стенсянь
медся дона,
медся муса морт...
Овны кутас,
овны кутас нѣмьяс
миян югыд шудын
Ленин ѣртI

НЯНЬ ДА СОВ

I

Тайос помнитны зэв ёна
кыдзи нё оз ков,
коми мортлы кутшөм дона
ёвлі нянь да сов.
Коркё өмөй сійё кужліс
шуны — бара пөт:
нэмсё корсис сьёкыд уджөн
аслыс кынөмпөт.
Тыла вылө көть и көдзліс
дөмас пасьта му,
зэв водз воөм арся көдзыд
сотліс сылысь сю.
Сэсся көть нин вөлі йирө
юрсө сылы суй...
Кольлі зэв ылі Сибирө
өти сьёкыд туй.
Жалитліс кө, өтнас парма,
сійё өтнас нач,
козин пыдди вөзйис арнас
вотөскөд тшөтш кач.
Олөмчөжся татшөм тышын
өдва кыскис лов...
Сотліс сылысь дөрөм мышсө
посьнас лэччысь сов.

II

Өні югыд шонді улын
мөд ног олө морт.

Кылан, кыдзи садьмём пулөн
потө воссян кор!
Ылө муё шог оз вөтлы
сэтысь корсьны нянь,
ассьыс шомөс вермө көтны
кыдтөм пызьөн ань.
Паськыд ыбъяс вылын кылө
сё мотора гор,
өні некодөс оз ылөд
важөн ковтөм бор.
Ветлө слава орччөн ськөд,—
кыдзи тувсов гым!—
Коді юкө тайө зыкас
кушөдз ассьыс вын,
садьмө водз да водө сёрөн,
лишнөй час оз узь,
медым сыөн тэчөм сёрөм
муртавын эн судз.
Паметь вөрзьөдлас да сійөн,
гашкө, лолас рам...
Оз нин төдны сылөн пиян
курыд кыксё грамм!

III

Сэсся некор татшөм кадыс
оз жө нин мед лок!..
Но эз чуж на миян радын
зэв төдысь пророк...
Муслун дедъясымлөн колө
ставсө вөчны сідз,
медым лышкыд мам моз оліс
миян му и видз.
Тадзи радейттөгыд муыд
сзырлун оз сет,
өти-кык шеп пыдди, шуам,
өкмыс сьөкыд шеп.

Ыджыд вердысь сійӧ миян,
сылы он тӧд дон.
Сідзкӧ, лелькуйт жӧ тэ сійӧс,
сиктса удал зон!
Лысва вылын тэрмась ыбӧ
нуны сыланкыв
асъядор,
кор кыа лыбӧ,
кыдзи зарни тыв.
Сиктса мырсъыслӧн бур уджысь
сн кӧ ньӧти пов,—
шуны быдӧн тэныд кужас:
— Шуда нянь да сов!..

МЕДБӨРЬЯ ЧӨВЛУН

Куржөвитөм кыздз пуяс сулалөны чөла,
өшйөма быд чаль вылө эзысь прөшви-көв.
Еджыд эшкын улө пырөм Вуктыл пөлөн
водзө менө нуө дыша рөдтысь вөз.
Вөр-ва лөня узьө, нинөм дзик оз вөрзьи,
дзуртө сөмын, кыла, додь сыв улын юж.
Колльөдчысь, эн чөв ов!

Сыланкывйөн вөрзьөд,
мича мойд көть висьтав, сывны кө он куж.
Гашкө, збыльысь бурджык лөня вуджны вөлөк,
медбөрьяысь кывны, мый сэтшөмыс чөв...
Швичкө вөжжи помыс:

— Нолтось, дышмөм өлук,
өтчидысь көть воськовтө тэрыбджыка чөвт!
Колльөдчысьсө асьсө топөдө нин йирмөг,
көдзыдсьыс оз мезды шоныд ыж ку пась.
— Пөрысь мортыд — пөрысь... Сьөлөмөй
нин виртөм...

А өд коркө вөвлі... Тэ нө абу тась?..

— Абу, — шуа.

— Аддза... Сідзкө, эскан налы,
көдзыд муысь кодъяс корсьөны тась би?

Енмыслы нө мыйла колө сувтны паныд?

Мупытшкөсса битөг... пыр тай овлім ми...

Со мый, вөлөм, дөдлысь муссө талун зыртө,
гөгөрвоа, коді кутө мекөд туй!

Ыджыд зыкө талун колльөдчыськөд пырны
мөд енмыдлы эскысьыдлы, дерт жө нин, өз туй...

— Аслам менам пиөй на дінө жө пышйис.
Заводитлі кутны... Но эз тырмы вын...

Чужом вивсьыс дедö синва войтсö чышкис.
Синва? Гашкö, синва.. Гашкö, вöлі лым..
Парма весьтти кывтис чарла джыгъя тöлысь.
Öшаліс быд пу вылын эзысь прöшви-кöв.
Еджыд эшкын улö пырöм Вуктыл пöлөн
медбөръяысь ыдждаліс нэмöвöйся чöв.

ЗАВИДЬЛУН

Завидьлунон ме зэв важон вися,
но лекарствояс врачлысь ог кор...
Тода,

чутысь на ичотджык бисянь
арттягачлон тшотш ловзьо мотор.

Сылон помасис воинскöй служба,
вына сьолöмыс зэв на коть бур:
бордъя вöв дорысь öдйöджык вуджö
сийö зэв паськыд Вуктылса нюр.

Сэни ловзьöны төрытья мойдъяс,
сэтчöс сынöдыс чардбион тыр.
Менсьым сьолöмöс зильлуннас дойдö
рочон сёрнитысь том багатыр.

Миян Пера кодь зэв ыджыд шлема,
киас кутö оз шы, — электрод.
Мыйла, шогсьöмөн мөвпалö Ёма,
ковмис войтырлы газопровод?

Менö ачымöс завидьлун йирö,
и дзик некодысь сийöс ог дзёб:
кутис, тыдалö, көдзавны вирöй,
оз кө лöсяв нин чорыд презент.

Медым сөрöны öткымын дышъяс:
абу уджын пö мортыдлöч шуд!
Эз кө пöсявлы Вуктылын мышкöй,
тайö кывбурыс, гашкö, эз чуж!

Некодӧс эз вердлывлы,
некодӧс эз юктавлы,
кывтӱс парма-эрд вывтӱ
енмӧн ёром Вуктылным.

Гашкӧ, ӧти вӧралысь
татчӧ ӧтчыл кежалӱс,
джуджыл Урал гӧралы
сӱйӧ сӧмын вежалӱс.

Шуштӧмлуннас повзьӧдлӱс
пӧткаӧс и войтырӧс.
Сьӧд ном сӧмын ловзьылӱс
тайӧ помтӧм койт вылас.

Бӧрӧ нэмъяс кывтӱсны
радлунӧн да синваӧн,
налӧн бордъяс-сывъясыс
Вуктылӧдз эз инмывны.

Сылысь эрдсӧ вуджа ме
талун вездеход вылын,
вышкаяслӧн вуджӧръяс
ельяс вомӧн водӱсны.

Вӧвлӧмторсӧ орӧда
зэв дыр кымӧм пу вылысь...
Вуктыл нимысь гораджык
абу, гашкӧ, му вылын.

Ӧти шондӱ миянӧс
гӧлиника шонтылӱс.
Шуда йӧзлӧн пьянлы —
Вуктыллӧн выль шондӱыс'

ПОСЁЛОКЫН ВОЙ

Сувтисны вагонъяс öти радö,
локтöны мудз зонъяс стройотрядысь,
Мыссьöны да вöччöны, кыз колö,
танi налөн удж и танi олём.
Ставыс сiдз,

кыз овлывлö походын:
öти лыддысьö, а мöд нин водö,
коймöд, гашкö, муса нывлы гижöд
Вуктылсянь пöсь чолёмъясөн гижö.
Аски зэв водз кыпöдчасны зонъяс,
эновтасны ассъыныс вагонъяс,
бара туйö,

бара пемыд вөрö,
водзтi кöни шöйтiс öтнас йöра...
Збыльысь подвиг öни танi чужö —
нюръяс вомөн газопровод вуджö,
биа югөр регыд кутас койны
му пасьтала мяян чужан Войвыв.
Öни вой...

И морт, и парма узьö,
весиг парма кылö ассъыс мудзём,
музыкаөн байöдлö эфирыс...
Эм-ö татшём мичлун ыджыд мирын?

ПАРМАСА ПРИНЦЕССА

Сьод синма Инесса
вöрын олö-вылö,
пармаса принцесса
уджалö да сьылö.
Мичмöдны выль керка
кодлысь ковмас мелön, —
вöчны сійö вермас,
некод мед оз велöд.
Татшöм оланінö
любöпырысь пыран..
Ой, Инесса-Ина,
едждöма тшöтш нырыд!
Кокни шутка-кывйид
нылöс, дерт, оз лёкöд,
босьт көть öнi сывъяд
да зэв пöся окав!
Но эн ёна тэрмась,—
абу öд тэ челядь! —
сетыштни на вермас
луданаджык пеляд.
Қор Инесса вöччас, —
видзöдлыны любö!—
быд зон пыр жö вöтчас
сы: бöрся выль клубö.
Карса нывъяс, волöй
ылыс Вуктыл дорö,
көнi удж и олём
юргö кыпыд горön.
Сьод синма Инесса
танi олö-вылö,
пармаса принцесса
уджалö да сьылö!

Кывтө енэжті көдзыд кымөр,
бара паръялө кокни лым.
Он и веритөй, —
ыджыд гымысь
скөр Печораным талун пымі

Сійө некор эз сетчыв мортлы —
еджыд бурься, клячтөм вөв.
Аддза, дорёны менам ёртъяс
сылы крепыд нель көрत्वом-көв.

Найө босьтисны зэлыд кытшөн
Кузьдібөж бердысь гудыр йир,
медым некутшөм чөрт эз мытшав
Вуктыл пьдөсысь локтысь вир.

Воас кад сылы факел-биён
Ленин кар шөрын лоны тшөтш.
Абу грек сэки босьтны киө,
важ ног пөрөдны брага көш.

Арся гымысь став сынөд вөрө,
и Печораыс быттьө пым,
водолаз весиг пөрччө дөрөм...
Лөсьыд, усьө кор первой лым!

Парторг оз узь,
көть важөн шойччан кад
и бара узьтөг
кольö сылөн войыс:
выль вахта вылө мунö
выль отряд,
кызд петöны салдатьяс
ыджыд бойö.
Тан збыльысь бой,—
и би, и гым, и тшын,
и уйöны бульдозерьяс
пыр водзö.
Мед вöрыс помтöм,
муыс измöм кын,
но Вуктыл вöсна
ставсö сетны позьö...
И сийö петö
вой улö жö тшöтш
партийнöй кывйөн
сьөлöмьясöдз воны.
Мед енэж шöрас
кынмö Ыджыд Кöш,
а сылөн öти кывйысь
йöзлы овлö шоныд.
И ковмас кө, оз шу,
мый босьтис мудз,
көть öнi каяс
джуджыд вьшка йылöдз,
көн чизыр вой төв
сы моз жö оз узь

да парма вылас
скораломон сыло.
Бурильщикъяслы
сетома приказ
дзор Вуктыл гырко
уна бурон пырны,
мед ыджыд вынон
сэни пессысы газ
и энэж вевтсö
шонтыны тшöтш тырмис.
Ме төда, сьökыд зэв,
но некодлы парторг,
мый сьökыд,
сы йылысь оз висьтав...
Эм Му шар вылас
медся сьökыд мог —
мог лоны
коммунистөн.

Тэысь мича некод матын абу
да и зільджык, думайта, оз сюр.
Ладмө тэныд кыз брезентысь шабур,
гөрд көсынка сывъялыштө юр.
Нимкодь мен,

кор тэрмасьомөн мунан,
кирза көмөн чышкан арся пуж.
Эз кө вөвны тэ кодъыс зэв уна,
Эжва карыд, гашкө, эз и чуж.
Сөмын томлун вермас сетны сылы
эта мында пöсьлун да бур мич.
Коді лыддяс,

кымынөс тэ, нылöй,
пуктін аслад киясөн кирпич!
Нэм оз кувлы мичлун, сійö кольö,
кытчöдз аддзас син да кылас пель.
Рисуйт сійöс тэ көть,

Рем Ермолин,
эз кө чуж на коми Рафаэль!

ЭЖВА КАРЫСЬ ПИСЬМӐ

Пӧдарит меным сэтшӧм дзоридз,
кодӧс козьналӧ югыд май.
Кӧсьян,

видз вылысь сійӧс орӧд,
либӧ ыб вылысь корсь да вай.

Эжва карын ме ӧні ола,
карын, овмӧдчис кӧні шуд.
Татчӧ ӧтчид кӧ коркӧ волан,
сыкӧд янсавны он нин куж.

Быд лун пасйӧны тані свадьба,
новосёллӧн оз куслыв нюм.
Удж и слава тэ татысь аддзан,
сё машиналысь кылан шум.

Важ баракъяслӧн шуштӧм серпас
тайӧ карӧ, кӧть корсь, оз тӧр.
Кӧртӧн дорӧм бетонысь керка
бара сувтіс, кӧн вӧлі вӧр.

Тайӧ карӧ ме тэнӧ кора,
тырмас юкны быд уджлысь пай.
Еджыд син лыска тувсов дзоридз,
ӧти дзоридз тэ сьӧрсыйд вай.

ТУВСОВ ВАЛЬС

Эзысь Эжва оз гыв,
пыжӧ васӧ оз кой,
вальслӧн меліник шыӧн
кывтӧ мян том вой.

Локтіс войвылӧ тулыс,
потіс кыз пулӧн гар,
тшапа видзӧдӧ юлань
Эжва дорын выль кар.

Сё царевна сэн олӧ,
быдӧн мича да бур.
Волӧй, зонъясӧй, волӧй,
шудныд эз на кӧ сюр!

Тайӧ кар весьтын кыа
лыдтӧм биясӧн гырды,
ыджыд стройкалӧн шыас
олӧ муслунным пыр.

Чужан мусӧ и васӧ
дась пыр сывъявны ки.
Тэкӧд зэв шуда часӧ
тані аддзисим ми.

Эзысь Эжва оз гыв,
пыжӧ васӧ оз кой,
вальслӧн меліник шыӧн
кывтӧ мян том вой.

Тэ он төд, кыз садьмө асыв,—
узян вывтi дыр!
Шондi петан тайö часö
ставыс шудон тыр.

Сэтшöм сьөлöм висьöм овлö,—
кодi оз бурд нэм,
медся дона менам ловлы
чужанiн и эм.

Вөр дi пөлөн ордым мунö,
көнi сылөн пом?
Некор тэнö ме ог вунöд,
муса Катыдпом.

Пета сиктысь, сöстöм шорсянь
вуджа лыдтöм кыр...
Гора томлунöс ме корся
вөр дi бокрысь пыр.

Художник П. Митюшевлы

НӖрт пач вылын чайник пузьӖ,
жара ыргӖ би,
тӕкӖд вӖр керкаӖ узыны
бара воим ми.

Вай жӖ кокньӖдчы, тӧварыш,
аддзан, пуксис вой.
Ӗтвыв кыйӖмтортӖ варыш
миянлысь оз сӕй.

Ыджыд туй нин талун вуджим,
кӖдзыдыс эз йир.
Кодыр ковмас, юны кужам
стопка джынйӖн спирт.

ПельӖс джаджйысь сись кӖ кусӖ,—
сер кыны оз ков!
МудзӖм бӖрад медся муса
нянь шӖрӖм да сов.

Аски чеччам, бара туйӖ
тасянь петам ми,
кӖтъ и вевъялас нин юын
сӖникасьны йи.

Сов да истӖг колям сылы,
кодӖс суас вой,
ми жӖ медводз пожӖм йылысь
аддзам кыа войт.

◆ ◆ ◆

Вөр-ва олõмын эм уна гусятор,
тõдмавны кõtь кõсъян, но он вермы,
сёрнитõ кыз ас ногыс быд шор,
кутшõм шыõн да кыз талун зэрмõ.

Кывзысь, кызди шувгõ рас выв пу:
коркõ сийõ нор, а коркõ гажа,
весиг тэныд муса Эжва ю
ассыс рõмсõ вежõма нин важõн.

Вөр-ва олõмын эм уна гусятор!
Абу ме, а сийõ медся шуда,
кодi аслас мулысь ловзян гор
гõгõрвоны сыланкыв моз кужõ.

◆ ◆ ◆

Дивуйтча муён и ваён,
сынӧднас некор ог пӧт,
кажитчӧ, олӧмыс ставыс
кутшӧмкӧ зэв мича вӧт.

Пелыстӧг вӧт пыжын кывтны?—
мортлы оз ков татшӧм шуд:
чукӧрта, колӧкӧ, сыв тыр
Якшалысь медводдза пуж.

Йӧраяс локтасны паныд,
жыннанныс торкасны чӧв.
Юа да ошка ме налысь
сус пуӧн руалысь йӧв.

Радлун кӧ съӧлӧмсьыд кылан,
некутшӧм дойӧн он вись...
Копыртла юрӧс ме сылы,
видзӧ код вӧр-валысь мич.

◆ ◆ ◆

Ставыс, мый аддза, чудö:
дзоридз и тельгысь шор,
пожöмлөн паськыд вуджөр,
лэбачлөн асья гор,

Талун ме быттьö чужи,
восьті кык дивö-син.
Кодзувьяс-биачузьяс
корсьöны шойччанін.

Том нывлы төвру сөрö:
яндысьны пö оз ков,
дас квайт во олөм бöрад
воас и тэд любов.

Быдөнлы öтмоз тырмö
дзоридз и ыджыд шуд.
Сэк сöмын мортыд кынмö,
радейтны кор оз куж!

Вөрөд шөйтi,
ёна мудзи,
ноддя бердын
отнам узи.
Котъ и зэрис,—
эг тай котась,
ошкос эг жө
аддзыв вөтөн.
Пашкыр пожом
сьылис-мойдис,
сувтысь кыа
бион ойдис.
Вөрлөн асья
кыпыд гажө
лэбач пырис
аслас джазөн.
Пуяс весьтөд
зарни шондi
тупыльтчыны
сэсся пондис.
— Кад нин туйө,
муса другөй!—
кыскис ягын
ворсысь югөр.
Мелi төвру
воча өвти,
сир да лысва
меным көвти.
Эг, эг лысьт ме
татшөм сынөд

вины аслам
табак тшынён!
Мич да шудлун,
мулысь радлун
восьтис мортлы
ланьтём яг выв.
Ветлөй вөрө,
өтчид мудзлөй,
бипур дорын
асьныд узьлөй!

ПОЛОНЕЗ

Посёлокö воис выль асыв
да весалис унзильлысь вез.
Ме кыла, кызд юралö расын
Огинскийлөн важ полонез;

И чуксалö, шогсьö и бöрдö
быд сьёлöмöдз писькөдчан шы,
а шондi нин мичмөдö гөрдөн
кузь ниалысь кыпөдчөм шы.

Пыр петны дялянкаö колö,
оз позь сэтчö восьлавны сёр,
но зэв мича шыяссö, пола,
мед лов шыöй весиг оз торк.

Пось мөвп төвзьö ылö эфирö,
а мыйла,— ме ачым ог төд..
Печоралөн медджуджыд йирö
ас му динö муслун оз пөд.

Стрөг мастераысь быдөн ми полам,
көть быдөнлы — медводдза ёрт!
Ог нянь кежысь сөмын ми олöй,
а мастерным... ми кодь жö морт!

МЕДБӨРҮЯ СТАРОВЕР

Важөн сынаһьтөм, дзугһьөм тошка,
синмас кынмөма көдзид сер.

Аддза,

пукалө пөрысь ош кодь,
гашкө, медбөрүя старовер.
Важ пөчинокын сийө өтнас
видзө енмыслысь ловсө тшөтш
да пыр тіралө, мед эз сөтны
сімөм ведраысь сімөм көш.

Кутны пиянсө вын эз тырмы:
найө корсисны мича туй...

Лэчыд лөглунысь кыис сырмө,
коді ньөтчид эз гөлөсуйт.

Шуштөм важыс пыр сылы колө,
кодыр морт оліс, кызди зверь,
но эз ен помысь чуктөм олөм
талун сывъяліс войвыв эрд.

Курыд мөвпясысь век жө

доймө

юрас көдзавны кутөм вем.

Кытчө воштіс да кызди тойліс
мортлы өтчидысь сетлөм нэм!

Регыд, регыд нин тыртөм синмас
сылы видзөдлас шуштөм вой...

Коли сөмын нин өти синва,
өти нейджид, курыд войт.

ТАРАПА ТЫ ДОРЫН

Ачыл асьтө кыдзи венан,
кодыр сьөлөмыд век пым?
Бара чужөмбанө койө
тундравывса чизыр лым.

Туйсө татчө ачым бөрийи,
өні няргыны оз ков,
Нуой, нуой, нуой, көръяс,
сьөкылдуньясысь ог пов!

Бөрө коли Тарапа ты,
водзын дзоргө Море Из.
Со тай дзирдалө нин матын
йион кышөм море визь.

Ставсө сотө лов шы сылөн,
сөмын мортос оз тай вен...
Пыкис енэж харей йылөн
көръяс видзысь, кыдзи ен.

Зэрө, турөбьясөн дурө
тундра шөрө воөм ар,
а со сийө восьса юра—
войыв мулөн збыльысь царь!

Юрөс копыртны сы водзын
меным оз өмөй тшөтш ков?
Енэж шөрысь медбур кодзув
сетны эг эськө ме пов.

ПЕЧОРА ВЕСЬТЫН АРСЯ ВОЙ

Татшөм серпассө некысь он аддзыв,
пыжөн нэмтө көть ва вывті кывт:
тöлысь вольсаліс зарниа раддзысь
лөньом ю вомөн дзирдалан тыв.

Арся вой вывті ыркыд да гора,
чужтө сьөлөмын радлун и шог.
Эг кө радейт ме тэнö, Печора,
көдзыд ар помын эг эськө лок.

Тöлысь тэрмасьтөг енэжті уйö,
джуджыд яг сайö дыр на оз нёр.
Кыла, кисьтöны пөрччөдөм пуяс
ланьтөм ва вылө медбөръя кор.

Ылыс мореөдз пыр эськө кывті,
эг корсь аслым ме ыджыдджык шуд.
Гашкө, шуасны, веськаліс вывті
меным кокни да кыв куттөм удж!

Йирмөг вочасөн сьөлөмөдз йиджө...
Мыйла коньөрөс ньöти ог видз?
Коркө вермас-ө вöсьтыны гижөд
тайö тöлыся войыслысь мич!

ТАНІ ВӨЛІ ЧОРЫД БОЙ

Тані вөлі чорыд бой,
уна олөм күсі,
өти кувлытөм герой
видзө налысь гусө;

увланы копыртөма юр,
некодлы оз шыась...
Кутшөм мича, кутшөм бур
Илыч сайын кыа!

Тасянь вощьө ыджыд эрд
лөз Печора вомөдз,
бытьө биөн ломзьө герб
партизанлөн шлемас.

Кодзுவъяс бара вөрөны,
кыла ме налысь шысө,
пось төвъяс быттьө гөрөны
Илычлысь йиа кышөд.

Ылын на гажа тулысыд,
восьлалө таті ар на.
Сус пу дась пасьтөм пуяскөд
юксьыны аслас жарнас.

Көдзыд и меным пукавны
вевттөм да дзибрөс пыжын.
Йирмөгсө кодлы юка ме,
ачым кор өтнам мыжа?

Мед, кодлы колө, сөрөны,
арлөн пө мич оз ышөд...
Кодзுவъяс, төда, вөрөны,—
первойысь кылі шысө!

ДЕДЛӨН ВӨРАЛАН КЕРКА

Норкө, дерт, и менам пөрысь дедөй
аслас кадө вөвлі зіль да том.
Сійө өтнас,— некодөс эз медав,—
лэптис Вөр ёль дорө кыйсян чом.

Шуа чом, а вөлі збыльнөй керка,
пач пыдди көть тэчис изья гор.
Некодөс эз повзьөд көдзыд зэрыд,
юр сюяныд вөрын вөлі кор.

Ачыс сійө важөнкодь нин кувлі,
пөрысьмис и пиыслөн нин пи,
мукөдьяслөн сэсся истөг тувйысь
өзйыліс важ горйын гажа би.

Вөр ёль дорті восьлалігөн мян
сьөлөм эськө скөрысла эз пот,
лөг кыпөдан кодкө аслас киөн
дедлысь кыйсян керка эз кө сот.

Сөмын ордым казтылө на өні
сьөд войысь да зэрысь дзедсян койт..
Но, а сійө... Омөль мортыс көні?
Медым сійөс виас менам дой!

Арын лӧнь керкаысь сійӧс эн корсьӧй,
бура ӧд тӧданныд —

нинӧм он кер!—

пармаын ыдждавын босьтчывлӧ корсянь
вемӧдзыд йиджтысьысь медкӧдзыд зэр,

вӧралысь лазъяяс, мӧдӧдчас туйӧ,
ёртыяснас лоасны пищаль да пон.
Урлӧн да туланлӧн меддона куяс
вештасны сылысь став тӧждысян дон.

Сідз жӧ, кыз деъясыс олісны вӧрын,
налысь важ ордымсӧ некор оз веж.
Весьшӧрӧ йӧраӧс сійӧ оз пӧрӧд,
пияна дозмӧрӧс вины оз кеж.

Оз сідзи вӧрав, кыз ӧткымын хлюстьяс
«Волгаӧн» петасны куштыны рас,
поз вылӧ пуксьӧм царевна кодъ юсь тшӧтш
кодъяслы лоас син чашкӧдан пас.

Збыльысь кӧзяинӧс некор он суйӧ,
мед сійӧс лякӧсьтіс этатшӧм удж,
сӧмын вот вӧччӧдны медмича куӧн
ассыс царевнасӧ некор оз куж.

Нэм чӧжыс зэръяс да турӧбъяс ськӧд
ветлӧны тыдавтӧм туйясті, сэт,
кытчӧ и зарниӧн мӧдӧс он ышӧд,—
пармаса зарни оз кокниа шед.

Ноли уна во, но сөвөсть пыр на сөйө,
вөчи быттьө сы водзын лёк мыж.
Збыльысь, коркө нулі пемыд войын
Емваса бур дядьлысь дзибрөс пыж.

Вөвлөмторйыс важөн коли бөрө,
казьтывнысө, гашкө, оз и ков.
Эг кө петкөд ассыым ёртөс вөрысь,
сутки джынсө сійө эз и ов.

Пыжө сійөс кыски, кодыр доймис,
юасьнысө эз нин тырмы кад...
Өтилы кө вөчи сэки дой ме,
мөдлы буртор вөчны вөлі рад.

Дзикөдз кодыр тiян дiнысь муна,
артыштöй кöть веськыдджыка сэк,
мый ме вöчлi нэмын медся уна,—
йöзлы бурöс али сьöкыд грек.

КОР ТУРӨБ ДУРӨ

Талун турөб
бара дурө,
көсйө босьтны менө пленө
сэк, кор лызьөн туйяс вура
да тшөтш нимтө гижа, Лена,
лыжи бедьнас небыд лымйө.

Бөрсянь лыскөн
турөб чышкө
сйөс, мый меным зэв дона,
көть и сулавльвлан мышкөн
аслад керка кильчө помад,
кодыр паныдасям кыкөн...

Коркө
төдмалан кө тайөс,
гашкө, нюммунан на коса,
а ме бара ыбъяс сайө
тэрыб лызьяс вылын воша,
медым нимтө выльысь гижны.

Му бердөдзыс лэччис еджыд ру,—
сөмын арын татшөм кадыс овлө!
Весиг тэрыб реактивнөй «Ту»
орөдчыны му веркөсысь полө.

Кывта-ката туйын ассьым нэм,
татшөм уси, тыдалө тай, шудөй,
но өд көнкө, кодкө век жө эм,
кодї менө радейтыштны кужө.

Мед оз лөгась...
Муслунным оз быр,
парма шор кодь сійө кольө сөдз и.
Шуштөм сэк, кор өтлаынөсь пыр,
сьөлөмныс жө тайө руысь көдзыд.

ЧУЖАН КЫВ КЕДЗОВТЫСЬЯСЛЫ

Мед кодкө видө чужан кыв,
а кодкө ёнджыка на ёрө
да ассьыс мича сьыланкыв
и праздник пасйигөн оз горөд.

Эн казьтöй некор налы тi,
оз кусыньт мыйла найöс яндзим.
Кор кушöдз ваймас сьолöм би,
сэк оз нин гөрдөд мортлөн бандзиб.

Эм менам öти муса ныв,
но чужан муöй сё пöv муса,
а кодi ёрө чужан кыв,
дась сiйö вузавны и мусö.

КЫК ПӨРЫСЬ КЫЛӨДЧЫСЬ

Ныкнанным вөлім ми томось,
эзысь эз киськавлы юр,
локтім кор Юрымка вомө
кылөдны медводдза пур.

Уджавны зэв збоя кужлім,—
мый көть код өні оз шу!—
Дзик өти кер вылын вуджлім
сьөрт йылөдз паськалом ю.

Бипурлөн сир курыд тшынөн
йиджтысьліс мян быд вой,
эз, кыдзи өні, машина
кокньөдлы сэки мудз сой.

Пөрысьмим, кыкнанным дзорось,
удаллун вывті нин важ,
том йөзлөн мянысь гора
юралө запаньын гаж.

Волім кө дзик өти тулыс
багырөн колльөдны вөр,
мыйла, ті юалөй юлысь,
сыкөд эг янсөдчөй бөр.

◆ ◆ ◆

В ажөн муніс Сыктыв вылысь йи,
шоңызд зэрыс киссьö куим вожөн.
Кöні,

кутшöм помын, муса пи,
коллеöдны тэ кутан коймöд гожöм?
Гижан сöмын вит кыв: «Ставыс бур,
узьö көть салдат, а служба мунö водзö»...
Чужан му и тэнсьыд лöz Амур
вунöдлыны коркö öмöй позьö?

Унджык төдны, гашкö, оз и ков,
сы лыдын и аслад пöрысь батьлы,
кодлы му шар джынйыс лыдтöм во
висьтавны тшöтш кутас ыджыд аттьö.

Веськыд туйным некор дзик оз ор,
вуджны көть и бара ковмас биöд...
Пöрысьмöны мудзöм батьяс кор,
кыпöдчöны на пыдди сэк пьян
сюся видзны ставсö, мый пыр том,
ыджыд правда йöзлы водзö нуны.
Воас кад, кор тышлы воас пом,
ыджыдавны кутас сöмын тулыс.

Шофёръяслон чужомьяс
мудзось да и саось,
вөлөк найо вуджоны
зэв ылыс Усаодз.

Туйсө лымйон толөма,
синьястө тшөтш тыртө,
сёысьтө од колө на
перывлыны зыртө.

Чортыс абу сюрлөма
татшөм лымья адас...
Нефтьлы туйсө вурлыны
колө татшөм кадө!

Вот и колө тэрмасьны,
вунөдны, мый мудз эм,
турөбкөд тшөтш вермасьны,
кытчөдз вынныс судзас.

Кодкө, дерт жө, ойбыртлас,
нырнас рульлань тшуклас,
сэссия сійөс сой быртөдз
гөтырсө моз кутлас.

Гожом шөрад кыськө нө
мыйкө өмөй ваян,—
төлын колө кыскыны
нефть перьян трубаяс!

Збыльысь бытьё фронт вылын —
шофёр оз и водлы,
сійӧс сӧмын шонтӧ пыр
аслас сьӧкыд подвиг.

Мый нӧ туяд петкӧдла,
кутшӧм буртор месӧ?
Кодзувъяссӧ нетшка да
быд геройлы сета!

ВОЙВЫВСА ДЖОКОНДА

«Большая Инта» совхозысь Тамара Зозуля
быд мёслысь вонас лысьтö 5000 килограмм йöв.
Сійöс наградитöма Трудöвöй Краснöй Знамя
орденöн.

Войвылад кöдзыд,
а тан — Приполярье,
кöкъямыс тöлысь чöж
йöйталö тöv,
ляк бадьлөн кынмём
да гыöртём гарйö
Войпельлөн, пасö моз,
печласьö ньöв.
Арся сьöд зэр
киссьём пожйысь моз кульö,
луньюгид кöч бöжысь
абу и кузь.
Мыйла, сьöд синма
Тамара Зозуля,
мукöд моз тшöтш
кыа сувттöдз он узь?
Еджыдөн асывсянь,
байдөг моз, вöччан,
фермалань ордымыд
некор оз вун.
Кажитчö, тэ бöрся
завидь пыр вöтчö
тулысья шорьясөн
садьмöдём лун.
Днепр дорын чужин,
но ас мунад лоис
му, кöнi ыдждавліс
тундраса чöv...

Проста оз шуны,
Зозуля ки-сойон
мосьяслысь лысьтома
море джын йов.
Мичлунтö тэнсьыд
коть мукöдлы кондышт,
синкымъяс босьт
да царевналы сет!
Кельдодас тэ водзын
ачыс Джоконда —
медмича нывбабаыслон
портрет.

ИНДИЯСА ЧАЙ

Тундра весьтын бара пессьö турöб,
лымйөн тыртö көр видзысьлысь син,
сöмын шоньд чумын сылы сюрлö
дженъыдик, но муса шойччанін.

Йизьöм көлуй ас вывсьыс кор вувзяс,
зэв меліа гöтырыслы шуас:

— Вай

талун меным крепыдджыка пузьöд
сьөлöм шонтан Индияса чай...

Бипур дорын көдзыд войыд вунлö,
но нин сэк, кор морöс лоас пым,
көр видзысьöс босьтны кутас унмыс
сідз жö, кызди мусö төбö лым.

Чумын дыр на олас чайлөн руыс,
унзільпырыс казьтыштас мудз морт:
«Шуда жö нин сійö ылыс муыс,
вöчöны көн татшöм юантор!..»

Гашкö, сэнi бура оз и төдны
лымья эрдса мортлысь аттьö кыв...
Му шарвывса войтыр öта-мöдлы
тадзи пыр мед нюжөдöны сыв!

СЬӖД УДЖЛЫ ОШКАН КЫВ

СосьястӖ вылӖдз пуджӖй,
босьтчаннӖд кодыр уджӖ,
медем кӖть сӖйӖ сьӖкыд,
медем кӖть сӖйӖ сьӖд.
ВелӖдны, дерт, эг мӖд,
кӖрсӖ кӖ тшӖтш эг тӖд...

МудзлунӖс ӖнӖ кыла:
ректывлӖ коркӖ тыла,
ачымӖс сӖк эг видз,
вӖдитӖ му да видз;
ытшкыны сюрлӖ, гӖрны,
кок йылысь весиг пӖрны,—
код тӖдас, кымын кер
пӖрӖдӖс менам чер.
Мыш вылысь пӖсь эз бырлы,
чужӖмӖй сирӖн тырлӖ,
сьӖкыдджык, сьӖдджык удж
бӖрйыны сӖк эг куж.

СьӖдджык...

А мыйӖн сьӖдджык,
кодлы нӖ сӖйӖ рӖдджык?
Ас вылысь ме эг чайт
аддзыны унджык няйт.

Эм уджыд кокни, еджыд...
КодлӖнкӖ петӖ вежыс:
олӖ пӖ, кыдзи гӖсть,
некор оз кисьтылы пӖсь...

Колис, дерт, өні ылө
дедъясөн вөчлөм тыла,
тшыглунысь оз нин пов
кыпыда олысь лов.
Сөмын ме ог и эскы
сылы,

код пөсьлы места
мыш вылас оз нин сет,
мед сэтчө гөрб оз пет!
Сьөд уджтөг му оз вежөд,
еджыдыс оз ло еджыд,
кералөм ягын бөр
некор оз быдмы вөр!

Сідзкө,
ті бура олөй,
сьөд уджысь энө полөй!

ТУНДРАСА БАЛЛАДА

Тундраын оз гусясьны,
но өти зон
торкис аслас дедъяслысь закон.
Том мортос эз көртавны да нөйтны,
джуджыд тыё ёртыясыс эз вөйтны,
өтсөгласөн индiс налөч суд —
самосуд:
тшөктiсны,
мед сiйö ачыс ассьыс
кушөдз пөрччис
ас вывсьыс став паськөм,
тшөктiсны,
мед гөгөрвоис зон,
мый сэтшөмыс дедъяслөн закон.
Тайö лои шоныд гоҗся рытö
тундра шөрын,
ыджыдалö кытөн
тайö кадö өтнас ном.
Висьтлөн, кывза,
вывтi шуштөм помыс:
здукөн зонмөс вильөдiсны номьяс,
өти войтөдз юисны став вир...
Важөн тайö лои
Каратайка дорын...
Кывза ме
да мортлысь лёклун ёра,
яндысьөмөн кора
стопка спирт.

Важысянь коми сиктын
пöльяслөн вöвлі пас:
олысьтöм керка ликтіс
өдзөсö пуктöм пас —

ва катлан карнан, гөлик,
пелыс пом либө зыр.
Волас кöть медся гöлыс,—
тас сайö оз, оз пыр!

Эз вöвлы сьöкыд томан,
сылысь эз тöдны дон,
мöд служба керка помын
вöралысь нуліс пон.

Озыра öні олам,
гöльлунлөн абу чут,
воштöмысь гуся полöм
сьөлöмад, век жö, кут!

Мыйла нö, муса пиян,
гөгөр кор ставыс веж,
кодлөнкö тэрыб кыис
овлö на збылысь пеж?

Выль нэмад öні чужö
уна да мича пас...
Мед налөн лыдö вуджас
пöльяслөн өдзөс тас!

ВОЙВЫВСА МОЙД

Нык гора костын бузгө шор,
сөдз синва кодь жө рөмыс валон,
ті ськөд верманныд, көть кор,
пыр паньд лоны дзор Уралын.

Мед турөб петас, усяс лым
да ставсө тыртас гора йылөдз,
а шорыс, бытьё збыльысь пым,
и сэки помся мыйкө сьылө.
Эг өти вой, эг өти лун
ме туйын пөсьөс коркө кисьтлы,
и тайө шор дорас оз вун
дзор вөралысьлөн гажтөм висьтыс.
...Ураллөн быдмисны кык пи —
збой Төв-Поз-Из да Сабля гора,
но регыд воис сэтшөм пөра,
кор бать поз найөс эз нин йит.

А мыжа вөлі өти ныв —
и, дерт жө, вильыш Манарага:
өд мича нывлөн мелі кыв
и вокөс воклы вөчө врагөн!

Сьөд лөглун сьөлөмъяссьыс кор
и налөн синьясас нин вуджис,
сэк весиг изйысь быдса шор
пөсь синва кывтны тадзи чужис.

Миян прадедъяс
идоллы эскисны важон,
налы быть вöлі колö,
мед ыдждаліс ен.
Вöлі сы нимын ставыс:
и шудыс, и гажыс,
енсянь отсөгөн врагъяскöд
нуисны вен.

Локтіс Пермскöй Степан,
налысь идолсö сотіс,
коми сиктясын вичкояс
кыпöдіс тыр.
Кодлөн сьöлöмыс скöрысла
сы вылö потіс,
сійö эскыны выль енлы
эз кöйы дыр.

Дедъяс юрбитны кутісны
выль ногөн, чöла
зэвтны, вичкоас сулаліг,
кокъяссьыс сөн.

Парма эрдъясті
гуляйтесь-шöйтальсь тöлыс
ылöдз паськöдліс
жынн्यानлысь ылöдчан звөн.

Аслам бать-мамкöд
котралі вичкоас ме тшöтш,
кодыр кынöмöй пöт вöлі,
эг ёна вись.

Гортын синмӧс кӧ
курдӧдліс тшыналысь пеша,
еджыд вичкоын дзирдаліс
кодзув кодъ сись.

Тайӧ кодзулыс, жынн्यानлӧн
бувгӧмыс мый ли,
гашкӧ, бур енмыс ачыс
дасылӧн пророк,
ставыс,— дзугйӧ моз
лэбачӧс мый коркӧ кыйлӧ,—
челядь сьӧлӧмысь
пальӧдліс кӧсийӧм и шог.

Важӧн некутшӧм енлы
ме ог ӧд нин эскы,
но и вичкояс жуглыны
лӧклун эг видз.
Сійӧ идол и эм,
миян керӧсьяс весьтысь
коді бырӧдіс дедьясӧн
чужтылӧм мич.

Гашкӧ, ӧні на пыр
сійӧ ньӧти оз гӧрдӧд,
кодыр паметяс ловзяс,
мый жугӧдліс сэк...
Колӧ миянлы сы пыдди
куруда бӧрдны,
босьтны лов вылӧ
мукӧдлысь збыль вӧчӧм грек.

МЕДБӨРҖА ПУРҖАС

С өнікөн доршасис сиктбердса курья,
зумыша ланьтөдчис мудзыштөм ю.
Лунвылө кывтөны медбөрҗа пурҗас —
медбөрҗа турияс моз...

Чужан му
кольөдө найөс оз шонділөн нюмөн,
на весьтөд и өшкамөшка оз вудж.
Пожөмлысь кырсьсө да кыз пулысь суюмөд
вевттьөма сьөлөмтө вөрзьедысь пуж.
Гажтөмлун юр вемөс желлялө-йирө,
быттьөкө инмөдчис сы динө чер...
Вывті тай уна нин Эжвалөн йирыс
нылыштіс яг вылысь лэччөдөм кер.
Ме, гашкө, сыысь тшөтш мыйтакө мыжа,
зіллуной корьяскө лолывліс руш,
сыныськөд орчөн кор пуклөсыс пыжын
медя лось кадьясө кольывліс куш.
Пурьяслы кывтнысө колө зев ылө,
оз өти лун да и оз өти вой.
Мед өні сьөлөмөй на вөсна кылө
быд доысь лэчыд да инасьтөм дой.

Зептө нянь шөрөм ме сюя
да и бара пета туйо..
Ылө? Матө?
Эн, эн юась,
кытчө менө сийө нуас!
Чужан муным миян паськыд,
сывьясъны дась гөра раскөд,
гулыд ягын оз ков ордым —
пожөм козьналас веж бордьяс,
чужан сиктө медым волі,
көні ассъым том кад олі..
Муса том кад!
Менө кылан?
Мыйла колин сэтшөм ылө?
Бергөдчыв көть лун-мөд кежлө,
тэнө виччысьө тшөтш Эжва
пурйөн водзө бара кывтны
сылөн эзысь морөс вывті.
Сэки збойджыкөсь на вөлім
медся вильыш тувсов төлысь,
чер да багыр ворсіс кыин
пятылетка сөвман биөн..
Медым гөгөр вөлі тшыгөм,
унджыкысьсө узылім тшыгөн,
сёянторсө пинжак зептысь
кодыр асывнас на ректан..
Но өд миян шудыс, шудыс
вөлі өти кыпыд уджыс!
Завидьтам ми өні налы,
кодьяс пөсь кисьтөны талун.

Бордъя войтыр!
Мича войтыр!
Тіян шудныд кыкнан сой тыр!
Тэчöй, вöчöй, лэптöй, дорöй
ещö кыпыдджык на горөн,
медым миян югыд шонді
йöзлы нюмъявны пыр пондас.

Зептö нянь шөрöм ме сюя
важ моз петала на туйö,
водзö восьлала да сьыла
бордъя йöзлөн томлун йылысь.

◆ ◆ ◆

Сылігтырйи кө нин муна,
сідзкө, шудöй вывтi уна!
Юка джынсö, кодлы колö,
ме моз сылігтыр мед олö.

Ачым выль кывбуръяс гижа,
сьөлөмөдзныд медым йиджас,
бара лоа важысь озыр...
Сыылöй тi тшöтш мунигмозыд!

Сійö овлö гольөн-жебөн,
кодi озырлунсö дзебö!

Шуда, кодї дорис чер да багыр,
медводз видліс сьӧкыд уджлысь сер.
Но и талун кылӖдчысьлӧн кабыр
багыркӧд тшӧтш кутӧ лэчыд чер.

КылӖдлін кӧ ачыд сьӧкыд пуръяс,
аслад юлысь тӧдан ыджыд туй,
памятяд быд поллой и быд куръя,
кежны кытчӧ кывтысьлы оз туй.

Мукӧд шыяс юралӧны рейдын,
оз нин тӧдны, кызди дзуртӧ греб...
Тэнад туйӧд кывтӧ вына «Сейда»,
виль пур босьтӧ «Кошевой Олег».

Ставыс виль ногӧн,
но чер да багыр колӧ,
налӧн нэмныс нюжалас на дыр
да и пӧсьыс кылӖдчысьлӧн сола,
лэччӧ мугыд бан боктыс пыр.

Смена помын рӧмпӧштан кодь ваысь
асьсӧ аддзас багыр кутысь зон.
Нэмтӧ, чайта, шудаджыкӧс таысь
некодӧс он казав сэсся, он!

Сикт помын эм юкмөс,
абу көть и пыдын
ваыс — оз и дукмыв,
юоны сэсь быдөн.
Ветлысь-мунысь кежас,
локтө кө нин ылысь,
сөдз ва өдйө вежас
туй выв мудзсө сылысь.
Том зонмөс да нылөс
сюмөд чепня дорысь
мөдарө он ылөд,
сёрнисө он орөд.
Бытьтө вөччөм жоньяс,—
видзөднытө любө!—
пиньтөм вома моньяс
волөны кыз клубө.
Налөн медся уна
юкмөсдорса висьтыд...
Пачныс весиг вунө,
ванас он кө кисьякав!
Некод, дерт, оз казьяышт
коркө овлөм дедөс,
коді эз тай надзтысь,
ас выннас мый шедө.
Туй бердөджык матө,
йөзыс ветлө кыті,
ключысь локтан ватө
топыд срубөн пыкис.
Ошкан кывтөг коли
пөльлөн олан туйыс,

но эз кылав ёльöd
сылөн киподтуйыс...
Öнi висьтав, ёртöй,
ме жö кö нин прав-а:
донтöм сiйö мортыд,
корсьö кö куш слава!

Сотчө вөр... Сынөд пөлтчөма тшынөн,
өдва төдчыштө шонділөн кытш,
биа змей збыльысь дявөллөн вынөн
ловья пуяскөд нуөдө тыш.

Биыд овлө бур ёртөн и врагөн,
мортлысь шонтө и йизьөдө лов...
Мыйла, төданныд, ялаа ягын
истөг көрөбөн дурны оз ков.

Кодкө нарошнө бипурсө колис,
ещө содтыштіс мунігас рос,
көть и неылын визувтысь ёлыыс
аслас пыдөсөдз вөлі нин кос.

Ассьыс удж биыд азыма керө,
весиг юясысь бокө оз кеж...

Вөр-ва виысьлы медыджыд мера
и Верховной мед Судным оз веж!

◆ ◆ ◆

Ме ог пöрысьлунысь кув,
кула öти шогысь:
мыйла бурджыка эг ну
ассьым олан могöс?

Мортлөн сöмын öти нэм,
дженъыд ичöt ёльысь.
Ставыс,
сьöлöмын мый эм,
медым йöзлы кольö!

Ыджыд уджйöзöс эг куж
вештыны дзик помöдз.
Мыйла унджык бур эз чуж
аслам кияс помысь!

Некор му вылысь оз быр
югыд лысва войтыд...
Шондi дзирдалö мед пыр
тiянлы,
бур войтыр!

КОМИЛӨН ЫДЖЫД ПИЛЫ СИӨМ КЫВБУРЪАС

Мам колльөдө писө

И. А. Куратовлы

Колльөдө мам ассыыс писө,
вой шөр, а пыр на оз узь.
Сьөлөмыс ёнто и висьö:
вөлөкыс вывті өд кузь!

Кебрасянь Яренскөдз колө
пиыслы кыскыны ноп!
Турөбыс мир туйсө толө,
шутьлялө-гуляйтө..
Ок!..
Ывлаө понйөс оз эновт
этаншөм асылө морт,
кыз шогсө мам сьөлөм венас,
кор пиыс эновтас горт?

Орчөн со чой-воккөд сійө
узьө да аддзө выль вөт.
Мый сылы чужан му сиө,--
Кебраса школьник оз төд.

Гыөртөм өшиньяс сайысь
керкаө писькөдчө лун.
Комиө югыдлун вайны
повтөг, Куратов, тэ мун!

Пармаса войтырлөн сямыс
тырмымөн вөлі и эм!..
Мөдөдө бур писө мамыс
гөль йөзлы корсьны выль нэм.

Верный карын Куратовлөн медбөрья вой

Воис нин, тыдалө, медбөрья вой...
Ачыс Куратов төдө:
морөсас поздысьө терпиттөм дой,
морт кор чахоткаысь пөдө...

Ывлаас шпорөдчө вижөдөм сад,
корьяссө вой төв тільө.
Отчыдысь аддзывны ещө рад
ассыс денщик Джамильөс.

Кодлы нө висьталас медбөрья мөвп,
медся пось кывнас юкся?
Пырө казах,
 ловья вуджөр кодь чөв,
висьыськөд орччөн пуксьө.

Лолавны сьөкыд нин...
Вом дорыс кын,
пужьялөм кор кодь кельыд.
Комын квайт во сылөн тырмис вын
шондїтөм муөд кевны!
Комиө,
 Комиө
кыссьө мудз лов...
Чужан му медся муса!
Кывбурөн лямөдны найөс оз пов,
тальөны кодьяс мусө.
Кебрасө сывьяліс эськө поэт,
сьөлөмнас сійөс шонтіс.
Одйөджык му весьтө кыпөдчы-пет,
пемыдсө венысь шондї!

Кыа нин дзирдалө...
Көдзалөм ки

устьö да оз нин вөрзъы.
Синвасö чышкавтöг бөрдö денщик,
гораджык вой төв бөрдö.



Эжва вывті бара катö
теплоход «Иван Куратов».
Тувсов вой... Ой, кутшöм гора,
ва да енэж — öти море!
Войбыд тайö море весьтас
кыа ассьыс бипур пестö.
Коді мудзö — медым мудзö,
сэсся шондi петтöдз узьö,
мена аслыссикас тöждлун —
тулыс йылысь гижны йöзлы!
Татшöм лöнь да шоньд войö
бурдö весиг сьöлöм дойыд;
вөрлы, валы, мортлөн ловлы
тувсов войыс вайö томлун.
Том и тэ тшötш, Ыджыд Сьылысь,
миан эзысь Сыктыв вылысь!
Алöй флагөн бара катыд
талун Эжва шөрöd катан.
Шуштöм нэмсö смела вуджин,
вылысь овны öнi чужин,
овны, тышкасьны да сьывны,
Му шар пасьтала мед кывсис
миан шуд и миан радлун,
кодöс некод оз нин падмöд...
Зарни шондi тэнö татөн
сывъялö, «Иван Куратов!»

ТАДЗ ЭСЬКӚ КУВСЬЫНЫ МЕНЫМ...

Зэв ыджыд зал, гашкӚ, сійӧн
шызьӧма,—
пырны он письт!—
бать пыдди «Ылалӧм пиын»
ворсӧ Ермолин-артист.
Зэв тӧдса мыгӧр да чужӧм,
неуна мышкыра морт
сулалӧ ӧтнас, кыздз вуджӧр,
пиыс кор эновтас горт.
Мый сылы, коньӧрлы, колӧ!—
мӧвпалӧ жугыльтӧм бать:
пиыслӧн шогмытӧм олӧм
син водзас жугалӧ тадз.
Ыджыд да ӧн сійӧ ачыс,
некод кӧть сійӧс оз тӧд,
шуйгавыв морӧсса пачыс
воштӧма вирыслысь ӧд.
Тыдавтӧм висьӧмӧн висьӧ,
ӧсьмӧ пыр ӧтторъя дой,—
пи вӧсна шогсьӧм да вийсьӧм
содтис нин медбӧръя войт...
Колӧ жӧ помӧдз нин ворсны,
синсӧ кӧть руалис тшын...
Зрительлысь здук кежлӧ корсьӧ
сайсьывны медбӧръя вын.
Сценаыс тыртӧм друг кольӧ...
гыалӧ зэв ыджыд зал,
Юргӧ:
— Ермолин!..

— Ермолин!..

Ки пыдѡс кодлы нѡ жалы!..
Люстра тшѡтш, кажитчѡ, вѡрѡ
югѡрнас горѡдны «бис».
Зрительлѡн видзѡдлас шѡрѡ
пет жѡ вай, шуда артист!..
Занавес мѡдарын сійѡ,
кытысь оз аддзыны йѡз,
куйлѡ... И кокыс, и кыис
ваймѡм нин ѡгыр кодъ лѡз.
Ѡгыр моз сотчыны помѡдз
оз быдѡн сы мозсѡ чуж.
Веськодя сьѡлѡмьяс вомѡн
вуджны Ермолин эз куж.
Тадз эськѡ сувтѡдны меным
медбѡрья строчкаѡ чут..
Ыджыдджык шуд аслам нэмын
Бѡрйыны эг эськѡ кут.

ФЁДОР ПРЯДУНОВ

1745 воын Қардорса морт Фёдор Савельевич Прядунов стробитіс Ухта бердө нефть перьян завод.

Ачыс кувсис долговöй тюрмаын: эз вермы мынтыны казналы 35 шайт 23 көпейка десятиной налог.

(Важ гижөдъясысь).

Эз аслас горшлун вöсна сійö
Тиманлөн озырлунла пыр,
кор царлөн кок улас Россия
гöль войтыр дойысь вöлі гырда.
А войвыв палявлытöг узис,
эз тöдлы ассыс ыджыд дон,
көть, йөзлөн скөрлун кызди пузьö,
сьöд вирнас пуис и девон.
Но кор да коді восьтас сылы
став выннас эрдö петан туй?
Тан сöмын вөрлөн шувгöм кыліс
да изъяс костын пессис ю.
Сё нэм тадз кывтіс енэж улын,
сьöд унзіль пöжис нюр и яг,
но аддзин шог и радлун мулысь
тэ, Ломоносовлөн земляк.
Мед бөрö коли сьökыд ордым,
а слава некутшöм эз ков,
көть аслад подвигнад и ордын
быд царöс, Фёдор Прядунов!
Кор тышын мортлөн сьөлöм ярмö,
он тшökты сылы, мед оз сувт...
Тэ татысь аддзин збыльысь зарни,
но эн тай морт моз сэсса кув.
А парма олö вильмöм зыкөн,
и вежсис Коми мулөн бан...
Лöз енэж вышкаяснас пыкö
да збыльысь нюмъялö Тиман.

СЬӖЛӖМЫН МУСЛУН



Туйо петтөдз пуксьывлісны важон,
пуксьыштлам и öні тэкөд ми,
тэрмасьö көть лётной экипажыс
доддявны бензинон пöльтөм «Ил».

Ставыс мян, кыдзи аддзан, сьöрысь,
шог и радлун кык пельö он юк,
кымөр улö суніс парма-вöрыд,
муса кар и мян Сыктыв ю.

Донъявны кө көсьян чужан серпас,
ылөджык тэ сыысь коркө сувт.
Ассьыд мутö вунөдны он вермы,
кытчөдз, кыдзи шуласны, он кув.

Сöмын шудлун сиöны пыр сылы,
кодлөн ылö кольö муса горт.
Медым öні мыйта колö сьылö
енэж гымысь гораджык мотор.

◆ ◆ ◆

ТҮҮНӨН ТӨТӨН

Ва дорын и видзьяс вылын чөв,
шондi абу гожся кодъяс яр нин,
пуяс вылысь лыддьö шöйтясь төв,
мыйта ещö колис кисьтны зарни.

Сьөлöмысь тшöтш чинис вöвлöм жар,
кодöс сылы сетлис биа томлун.
Нэм помыд öд дзик жö сэтшöм ар,
вөр-валөн кодъ гöль и озыр овлö.

Ме ог норась...
Ассьым олан мог
олöмö, кыз кужи, сидзи пöрти.
Кыла сöмын öти гуся шог,
кодi чужö восьлалигөн вөрти.

◆ ◆ ◆

Нувсялӧны тшӧтшъяясӧй менам,
воас коркӧ, дерт, и аслам пом.
Кызьӧд нэмад мортыд ставсӧ венӧ,
но оз вермы лоны мӧдысь том.

Арлыдӧн оз донъявны морт олӧм,
уна дорысь бурджык овны джын.
Абу завидь, кодӧ сӧ во олӧ
да пыр пӧльтӧ небесаӧ тшын.

◆ ◆ ◆

Веж видз вывтї котралёны дзоридзьяс,
сывъявлыны найёс зільё вильыш төв.
Оти дзоридз, меднэр дзоридз орёдны
чужис менам юрын сэки гуся мёвп.

Енэж шёрын зарни шондї нюмъяліс,
вөр-ваыслы лэбач сиис сьыланкыв.
Сы йылысь, мый ас кежын ме тунъялі,
эз жё эськё некод медым кыв!

◆ ◆ ◆

Б ыд мортлы аслас пайӧ усьлӧ
и удж, и шойччан кад, и тыш.
Ме верми корсьны унджык муслун,
но мӧд ног овны вӧлі дыш.

Мед вывтӧ шудаяс оз повны,
ме налӧн туй вылӧ ог кеж,
а ставсӧ сійӧс, кыдзи овлі,
и унджык шуд вылӧ ог веж.



Мый эм мусаджык войся зэрысь,
кодлысь ун пырыд кылан шум?
Кутас вом дорад ворсны серам
да мөд асылөдз коляс нюм.

Шоныд зэр бытьё вежа ваён
мыськас өшинь и ывла луд.
Гөрысь-көдзысьлы, сідзкө, таво
гожём козьналас ыджыд шуд.

Сөмын сы вөсна сьөлөм висьё,
медым вежөдіс дзик быд эрд.
Чужан муёй, ло лышкыд, мися,
ассыд пиянтө пөттөдз верд!

Налы вичмывліс слөт и көдзыд,
песліс видзчысьтөг волөм шер...
Медым лов пытшкөдз талун сөдзө
шоныд лов шынас войся зэр.

◆ ◆ ◆

Нор босьтас тэнö курыд шог,
тэ сылы бурөн эн жö сетчы,
а корсьлы кутшöмкö выль мог
да Эжва дорад бара лэччыв.

Сэн катшасинъяса веж видз
став мичнас шылькнитчис зэв ылöдз,
и ассъыс муслун эз кö видз,
кыдз овлö, тэнад муса нылыд,—

он кут нин казьтывны важ дой,
а дзоридз пöвстö юрнад пыран
да челядьдырся югыд мойд
тэ выльысь сэки бура кылан.

И бара лоан важ кодь збой,
а шогсö кодi вöчис, сiйö
тшöтш тöдны кутас,
кутшöм биён
пыр сотö мортöс узьтöм вой.

◆ ◆ ◆

Боржоми весьтö пуксис вой,
уль ыркыд лэччис гöра йывсянь,
и сöмын тöлысь — ыргөн войт —
руд кымөр лестук пöвстын пывсьö.

А татчöс войыс öткодь кузь
и тулыс пуксигөн, и арын,
но талун мекöд тшöтш оз узь
туй бердын вашъялысь чинара.

Оз узь и визув Кура ю,
пыр öткодь сійö збой да лэчид,
кыз быттö вундiс сылы туй
смел Автандиллөн сьöкыд мечыс.

Ми аски торйöдчам...
Ог куж
грузинъяс ногөн сёрни кыны.
Мед эг чинара улын чуж,
но сылөн шудён тшöтш ме вына.

Узь, лунвыв енэж улын узь
да вöтась мича вöт, Боржоми.
Мед тэнад нэмыд лоас кузь,
а тэнад челядьыд пыр томöсь.

◆ ◆ ◆

Нык тополь костö кызд пу пырис
да лэптис кудриа веж юр.
Мед дворник топольяссö шырö,
но кызд пу кудриөн оз дур.

Веж топольдылөн бурдас рана
да лоас сійö ещö веж,
а кызд пу еджыд дөрём станысь
и öти увтор он нин веж.

Ме көсья сы кодьөн жö лоны,
мед ставыс вöлі сöмын ас.
Öд колö нэм помöдзыд воны
да кольны буретш ассьыд пас.

◆ ◆ ◆

Асывводз.

Рёмыд на.

Усьыштö лым.

Синъясöс восьтны кöть дыш на,
вольпасьöй кор гöтыр морöсысь пым,
век жö, ме рёмыдас пышъя.

Дышыдлы, шуласны, лöсялö ньөр,
мена́м жö пелькунöй тырмö
медся водз кытшовтны вугралысь вөр,
кодi веж кöдзыдысь сырмö.

Мудзысла морöсысь лов шы оз ор,
вом дорын лым чырыс сылö,
зэв ыджыд Му шарысь дзик öти гор —
сьöлөмлысь тіпиктөм кыла.

◆ ◆ ◆

Висьма кӧ,

ме дінӧ врачӧс эн корӧй,
бурдӧданторла эн котӧртӧй пыр,
ачымӧс лӧччӧдӧй Кунес ю дорӧ,
кӧнӧ быд видз лыдтӧм дзоридзӧн тыр!

Лапкорӧн шонтыштӧй поэялӧм морӧс,
кӧчвӧньӧн кӧртыштӧй калганлысь вуж,
шондӧ мед жалиттӧг синьясӧс ёрӧ,
кӧтӧдлас юрсиӧс лысва и пуж.

Ог кӧ на бурд, ладан турун сӧк пуй,
кӧкаканы шырӧй да вотыштӧй оз,
чай пыдди медбур лекарство моз юа
ю весьтӧ ӧшӧдчӧм сьӧд сӧтӧр роз.

Шудӧй кӧ яндысьтӧг эновтас дзикӧдз,
сӧки на эскӧмӧй аслам оз кус...
Егырысь корсьӧй, ме воа кӧ пикӧ,
мырпом, кӧть некымын бурдӧдан тусь

Оз ӧмӧй метӧгсӧ Кунес ю пӧлӧн
томдырся сьыланкыв восьлавны пет?
Мед эг вӧв ыджыд,

но, век жӧ, ме вӧлі
пармаса войтырлӧн шуда поэт.

◆ ◆ ◆

Ылавны вөрө — ог ылав,
аддза туй индалысь пас,
лов шыос кусөдтөг кыла,
шувгө кызд юбердса рас.

Быд пулөн ас нога сёрни,
вашкөдчан, кышөдчан гор.
Төда, кор гылавны сёрмө
пипулөн вижөдөм кор.

Вөрын өд чужи да сөвми,
пыр сійө лоас нин ас!
Пожөмъяс чукөрын төвлөн
шыалө батылөн кодь бас.

Медводдза кывбурлы коркө
борд сетіс шенмунөм лов...
Вөр-валысь сьыланкыв торкны
зэв ыджыд мывкыд оз ков.

Черөн кө төдмасьліс кийд,
зыр вылө сійөс вай веж,
мед лоас Коми му миян
пыр өткодь мича да веж!

◆ ◆ ◆

Базар вылын вузасьо́нь: бербао́н,
вит ко́пейка коро́ны быд вожысь.
Віргонь дэньга зептас тэчны тэрмасьо́
кокни уджон олысь мисьто́м рожа.

Стопка выло́ талун бара чукор́тас,
тані жо́ и горшас лэдзас — юас...
Сылысь сьёло́м, гашко́, оз жо́ нюкыртлы,
берба вожсё коді гор́тас нуас.

Базар пасьта колё эськё городны
голя орто́дз стро́га да зэв кыза,
либё кыкнан кисё сылысь оро́дны,
тулыс водзын коді помто́г мыжа.

◆ ◆ ◆

Лэбёны Москвао рыт и асыв,
панёны скөр бушков-төвкөд вен,
самолётө пуксясны дас часын,
дас кык часын лоасны нин сэн.

Миян дедъяс чеччасны кө гуысь,
нюжодасны енэжланьыс ки,
лэбач моз кор сылас асья руын
налөн рөдысь эзысь бордъя пи.

Нэмъяс олім роч войтырысь бокин,
но пыр төдлім ёртасьомлысь дон.
Эз кө веськав орччөн медбур вокным,
сёйис эськө моресайса пон.

Парма весьтөд шувгысь йирмөг төлыс
пөльтіс йиа лов шынас зэв дыр...
Рөдиналөн өти ыджыд сьөлөм
ас сьөлөмысь дона лоас пыр.

◆ ◆ ◆

Мамъясыд сэтшөмөсь найо:
төждлунныс некор оз ям...
Көнкө лөз ордымъяс сайын
менө тшөтш виччысьö мам.

Мед көть и абу нин дзоля —
мичмөдө юрөс дзор си! —
пыр сылы сэтшөмөн коля,
кутшөмөс сывъявліс ки.

Муслуныд чинлө и ойдлө,
өти эм медмуса век...
Мамъястө лёк кывйөн дойдны, —
му вылын медсьөкыд грек!

◆ ◆ ◆

Ывлаын веж кӧдзыд лыйсьӧ,
чужӧмӧ сатшкӧ ёсь гыж.
Вот эськӧ корӧся пывсян
шонтыштіс поэялӧм мыш!

Том дырӧй (шуда и пӧра!)
паметьӧ колис мӧд сер:
прамӧя пывсьӧдліс вӧрын
шпал лӧсан зэв сьӧкыд чер.

Комынысь унджык на градус
йизьӧдӧ морӧссьыд лов.
Кӧдзыдлӧн ыдждалан кадӧ
кепысьӧй некор эз ков.

Ки пыдӧс восьтлан да сьӧвзян,
азыма паськӧдлан сыв,
йӧлаӧн яг сайын ловзяс
шуд йылысь збой сьыланкыв.

Татшӧм жӧ томлун ме сиа
тэныд тшӧтш, менам бур пи,
сьӧлӧмтӧ медым и китӧ
шонтас пыр ыпъялысь би.

◆ ◆ ◆

Помнита ме ичөтдырся кадөс:
кодыр вөлі воас көдзыд төв,
белөг вылө, орччөн өти радө,
тэча аслам өшинювса садө
лэбачьяслы уна сиа пөв.

Веж көдзыдысь дзедьсьөм могысь найө
сиктлань вөлі сибөдчөны пыр,
керканымөс пыкөм тола сайын
гөлөсьясныс шогөн налөн тыр.

Виччысисны мортлысь нянь да шонид
крука ныра уркай да гөрд жонь...
...Пессис дзугйын, менам белөг помын,
кыа рөма сарапана жонь;
уркайлы эз нюмьөвтлы жө козйын
асья часө өшйөм югөр си...
Ме эг төд, мый мамысь эндөм позйын
тшыгъялөны сылөн куим пи.

Сэки ачым ачымкөд эг вензья,
вөр-ваыслы кодыр вөчлі шог...
Тола пытшкө сиа пөвйөс менсьым
мыйла некод вувзьяны эз лок?

Кывзыся, но лымйөн төбөм эрдысь
төдса гөлөс мыйлакө ог кыв...
Батьлөн важөн киссьөм жытник бердын
ачым вии бордья сьыланкыв!

Пӧлянӧй тэ, пӧлянӧй,
кодӧс нӧ пыр чуксалан,
сьӧлӧмӧй, тэ мыйла нӧ
пӧлян шыысь дзуглясян?

Ылӧ кывтіс гожӧмыс
дзоридзьяса видз вывті,
миян туйным вожаліс,
эг тай кужӧй видзны ми.

Видзӧда ме ӧні кор
кызьяс вылӧ, ю сьӧртӧ,
тӧдса еджыд чышъянтор
синьяс водзын вуджӧртлас.

Пӧлянӧй тэ, пӧлянӧй,
юав сылысь, мусалысь,
ӧдъя бипур мыйла нӧ
татшӧм ӧдйӧ чусаммис?

Ягын шы ни тӖв,
ӧтнас сьылӧ тӖв,
енӗжлань быд пожӧм
пыксьӧма веж вожӧн,
кыдзи ньӧв.

Налӧн ловъя сир
сӧстӧммӧдӧ вир,
куим нэм кӧть олан,
висьӧмыд оз волы
да оз йир.

Тані, муса ёрт,
медся бур курорт,
некор он ло лябӧн,
кывлан кӧ веж яглысь
шувган гор!

◆ ◆ ◆

И пөткаясөс
сулөны съод вояс,
кор кынмас пельсы
да оз артмы пув,
а парма шөрад
оз кө тырмы сёян,
сэк вод да бурсө
виччысьтөгьд кув.
Но пищалаылы
налөн шог оз инмы,
өд сы вылө куш
ёсьмөдөма сям,
кызд позьө унджык
аддзыны горш синмөн
быд бордьяөс,
да бурджык, коді рам.
А дорйысьнысө
пөткаяс оз кужны,
эз сетны налы
лэчыд ныр да гыж...
Оз мыж вөчысь моз
вөр керкаас узылы
и сійө,
коді вөчө медлөк мыж.

◆ ◆ ◆

В öрысь öкта вотöс-тусь,
дзик быд тусьлы вöча копыр,
мися, эн жö бокад усь,
сюмöд пестерын тшöтш ло тыр.
Менö горшлуныд оз йир,—
ставсö, мый эм, йöзлы сета,
сьöрысь лэччöда тшöтш сир,—
медбур бурдöдчантор светас.
Кытысь корсьны сэтшöм сям
парма мозыс кужны мойдны?
Вөр-ва — ставлөн муса мам,
кодöс оз позь сетны дойдны!

Енэжтасөдз бара руа
 вөр дiсайса эрд:
 бытьё пожйысь киссьё муё
 тшакъяс быдтан зэр.

Гортын пукавны ог мөдöй,
 оз көть дзикөдз коб,
 весиг пестерным тшөтш төдö,
 кытчö петö гоб.

Öшкамöшка бара сувтлас,
 васьыд оз на пот,
 сылөн зарни мегыр увтi
 төвзяс самолёт.

Вöрысь куш киөн оз локны,
 ог локтöй и ми:
 сьөлөм вылад сэки кокни,
 кодыр мудзö ки.

Озыр вотöс кыкнан соддзөн
 пестер тырыд сөвт,
 воас тшак сёян поводдя —
 сизим төлысь төв!

Рытъя кыа бипур дорысь гөрд,
сідзкө, аски бара лоас төла.
Полөмыдла, пиукöй, эн бөрд,
гыалігөн пыжад кодыр сөлан.

Тадз жö повтөг сьöкыдлунтö мыдж,
петны кор тэ кутан олөм шөрö,
медым ыджыд гыыс тэнсьыд пыж
сэки, паныд сувтас көть, оз пөрөд.

Эн сет асьтö лоны
дивитанаторйөн,
лөк кывъясысь
да лөк славаысь,
кыз кужан,
а дорйысь.
И завидълун уналөн
сьөлөмас тыр на,
и нювсьыны, тыдалö,
кутасны дыр на...
А лөк ньöвйыд кытшовтас,
пасад оз инмы,—
тэ веськыда видзöдлы
быдөнлы синмас
да вöч ставсö сідз,
кызди вежöрыд тшöктö,
мед мыш вылыд пöсялö,
сьөлöмыд — йöктö.
Пыр тадз олөм ю вуджиг
зумыда зібъясь,
сэк некор лөк славаыд
тэныд оз сибды.

Телевизор дінө корө
менө внучка:

— Дедө, лок
пуксыы өдйөджык ме дорө:
петкөдлөны «Малышок»!

Ичөт нывкалы, ме төда,
медся муса сійө-й эм...
Ачым шойччөдны тшөтш мөда
юрысь дзыкөдз мудзөм вем.

...Синьяс водзын ош да көчиль,
йиысь тэчөм налөн чом...
Акань дінысь вөтлө пөчө
ыджыд ньөрйөн лөдз да ном...

Ставыс челядьдырся мойдысь,
коді эз на дзыкөдз вун.
Өні ёнджыка на дойдө
менө аслам пөрысьлун.

Внучка дзоргө восьса вомөн,
быттьө кынмөма,— оз вөр,
ме жө өти улөс помын,
а вот неуна ог бөрд.

Мырддьөй менсьым гора чиньяс,
өти кадө мырддьөй шог,
медым бара өзьяс синмөй,
кодыр аддза «Малышок»!

Олан-вылан, да и пөрысьман!..
Лабич вылын пукалө со пөрысь мам,
сы водзын важ потан, кага узьö,
баййөдчанъяс мамлөн кузьöсь-кузьöсь...

Вугыртлас тшөтш ачыс сьылан шөрас,
кос сойяссö вой төв сэки көрас.
Лабич вылын пөрысь мам...

И некод-нинөм абу,
потан көв көть корсьö косьмөм кабыр.

Кызд нө менам синмөй тшөтш оз көтась
пөрысь мамлөн синва перьян вөтысь!

Шогла воштывла садьӧс,
ог кө гӧлӧстӧ кыв.
Кызд нӧ тэнӧ он радейт,
алӧй бандзиба ныв?

Быдтор вӧчан зэв пелька,
биысь пӧсь тэнад сыв.
Кызд нӧ тэнӧ он лелькӧйт,
ӧмидз вом дора ныв?

Быд лун лӧсьӧда гусьӧн
тэныд выль сьыланкыв.
Кызд нӧ тэ абу муса,
ловъя акань кодъ ныв?

Коркӧ мӧд динӧ кежан,—
ог тӧд — кын, али сыв,—
Кызд нӧ тэнӧ он вежӧгт,
сиктса медудал ныв!

◆ ◆ ◆

Ч ер да пила ыдждалисны дыр
зу кодь тшөкыд пожома веж вöрын,
колис гажтöм эрд да лыдтöм мыр
тайö ягысь налөн мунöм бöрын.

Вөлöма кык кыз пулөн бур шуд
орччөн колыны мыръяс костын ловйөн,
көть эз öтчыд вөрзьев налөн вуж,
кудриа веж юрныс эз жö öтчыд доймыв.

Дерт жö, мыжа дом поводитöм төв,
кодi кучкис Эжва сайса нюрсянь:
эз öд ачыс томджык кыз пу чöвт
аслас чойлөн пельпом вылас юрсö.

Збыльысь бытьö мунiс чорыд бой
тайö ягын, мян парма шöрын...
Сывъясьöмөн бöрдöны кык чой
дöваяс моз кольöм война бöрын.

КӨТЪ ЗЭР, КӨТЪ ЛЫМ

КөтЪ зэр, көтЪ лым,
көтЪ живгө турөб,
ог воштыв некор
кыпыдлун
и Эжва сайё
усьом юрөн
ме накөд аддзысьны
ог мун.

И турөб —
аслыссикас дивё,—
мед би моз сотё
чужөмбан!
А эз кө сійё
вөвлы кивыв,
эз ло и морөсөй
век жан.

Пөсь корөсь вувзя
пывсян бөрын
да тола пиё
водла пыр...
Ой, мыйла,
муса еджыд гөра,
тэ олан му вылас
он дыр!

Тшөкыд вөрлөн пила йыв
тувсов енэж вевтсө пыкис.
Талун тэкөд, муса ныв,
мунам Эжва сайө кыкөн.

Йөзыс аддзыласны мед
менсьым киос тэнад кыысь.
Муслун сэтшөмлы оз шед,
кодi оз куж корсьны сiйөс.

Дзоридзьясөн льөм пу тыр,
бытьө венеч улө мунө.
Кык шуд йитны колө пыр
буретш татшөм сөстөм лунө.

◆ ◆ ◆

Пройдитас кымынкө тулыс,
кымынкө гожом да төв,
кутан и тэ кыз му улын
быдөн моз куйлыны чөв.

Лолыдлы нинөм оз ковмы,
тырмас уль муыслөн рөч.
Сэк, кодыр сьолөмыд ловъя,
унджык да бурджыка вөч,

медым удж радейтысь кийд
весьшөрө некор оз ов.
Кодзув пө кусө, а биыс
дзирдалө уна сө во.

Таво пелыся ар. Вөр ді пөлөн
быд пу юрсяныыс коскөдзыс гөрд.
Сідзкө, миянлань матыстчас сьола
гора чипсөмөн гажөдны вөр.

Ме ог пищальён парматі ветлы,
меысь некутшөм ловъя оз пов.
Сөмын сы вылө вежөй и петлө,
мыйён бордьясьө инасьтөм лов.

Пелысь казътылө ылысмөм гождөм,
бипур югөр да юралысь вой,
сылөн дивө кодь розлөн быд вожын
колис шонділөн зэв уна войт.

Сикт весьтö лэччис еджыд ру,
оз тыдав вөр да ыблөн эрдыс,
и весиг Эжва, ланьтöм ю,
оз вильшась гынас кыркötш бердын.

Öд бөрö колис страдна кад,
и ачыс вөр-ва морт моз мудзис.
Веж кияс увлань лэдзис сад
да öшинь улын чöла узьö.

Но арлөн серпас оз ло тыр,
оз мурöстлы кө трактор басөн.
Мед асья ру оз разав дыр,
а мортлөн вежөр медся ясыд.

АНКЕТАӦ СОДТӦДТОР

— **Т**энад рӧдвужысь кодкӧ
эм-ӧ чужан му сайын?
Вай анкетаад содты
ӧти строчкасӧ тайӧс...

— Эмӧсь, веськыда шуа,—
но эн думыштӧй лӧкӧс:
ылыс муын, йӧз муын
усис батькӧд и вокӧй.

Енэж тыр öзйöны кодзувъяс,
лым вылын ворсöны кодзувъяс,
коз йылö öшйисны кодзувъяс,
синьясад тэнад тшötш кодзувъяс!..

Быдлаын —

юр весьтын,

бöрын и водзын —

дзирдалö-тиралö кодзув.

ПӖрысь нин, ёна нин пӖрысь,
кӖрт зырийӧн сулалысь дядь,
пӖрысь, а вайӧма вӖрысь
нэриник вожьяса бадь.

Баддыд, дерт, жебиник быдтас,
абу нин меддона пу,—
вужьясяс, паськалас, кыптас,
пӖрысьӧс сывьялас му.

Мукӧдӧс гажӧдны пондас
лэбачлӧн мудзлывтӧм гор,
мукӧдлы садьмӧдас шондӧ
тулысья медводдза гор.

ПӖрысь морт тӧдӧ да сийӧн
ыджыдджык кӧсийӧмӧн тыр.
Абу ёсь черсылӧн киас,—
му вывсӧ мичмӧдан зыр.

Быдӧн ми пӖрысьмам коркӧ,
сы кодьюсь лоам жӧ стӧч...
Медбӧрья лов шыӧдз, дзор кӧть,
доньясьтӧг бурторсӧ вӧч!

◆ ◆ ◆

Тзнад өшиньсьыд кусі биыд,
ланьтіс асылөдз мудзём грезд,
сөмын туйбердса тола пиө
коли Төлысьлөн югыд вез.
Зарни Төлысьөй, висьтав гусьон,
менө радейтө али оз
сійө,
син водзё коді усьлө
сөмын удж вылө мунігмоз.
Гашкө, сьөлөмөй прөста ноксьө —
мөдөс радейтө муса ныв...
Сідзкө, мед менсьым гуся шогсьөм
сійө некор оз төд да кыв.

◆ ◆ ◆

Котортла рас вылө дивөла,—
потласьö, шуоны, кор!—
Вая ме тiянлы ки вылын
лэбачлысь тулысья гор.

Ма пыдди зарава вийöда,
мездмас мед мудзлунысь лов,
кыалысь зарни сияссö
тупыльö гартны ог пов.

Вөр-ваысь сьёлöмöс орöдны
оз тырмы некодлөн вын.
Сылы жö чолöм кыв горöда,
вом дор кöть лоас нин кын.

◆ ◆ ◆

Н өмтөм челядьлунөй бура төдса,—
пидзөс выйөдз варчөм дой да лөм.
Дөра гач кох помөн эз вөв пөдса
енмөн сетөм чорыд «рака көм».

Ытшкөм виддзыд эз вөв вывті гылыд,
восьлалігад радлуныд эз сод...
Тулыссянь сёр арөдз ывла вылын
көмтөм кокөн масьтан идзапод.

Вөвлөм гөльлун!..
Кызд бара ми сяммим
котравны, кор муыс вөлі кын?
Көмтөмъяслы ачыс муным-мамным
дзоньвидзаён лоны сетліс вын.

НЮР ВЫЛЫН ВОТЧИГӨН

Нюр кодъ гӧлыс нинӧм абу —
енэжтасӧдз куш,
бытьӧ чӧртлысь киссьӧм шабур
эжис лыдтӧм вутш.

Туйыд вутш пӧвстас кӧ пыртас,
он на, другӧ, кув:
аддзан сӧтысь чӧскыд мырпом,
шома турипув.

Меным муса сӧтшӧм вотӧс,
кодӧ важӧн сыв,
нюр выв вотӧс висьӧм сотӧ,
кыдзи шондӧ кыв.

Сӧдзкӧ, нюрыд ӧна озыр:
дозъяд вотӧс сӧвт,
вутшъяс костӧд собигмозыд
видчан кыв эн чӧвт.

Луныс кодыр ямас,
воас пемыд вой,
кутас вөлі мамө
висьтавлыны мойд:

«Зарни Төлысь кывтө,
тэ моз жö оз узь,
карнан кутысь нывлөн
көсаыс зэв кузь.
Омөль бать-мам дінысь
сійö муніс тась,
шудсö сылы сины
некод эз вөв дась.
Нылöс Төлысь босьтіс,
шог пиын эз видз,
йөзлы сылысь восьтіс
аддзывлытөм мич...»

Төлысь вылө дзорга,
кывза мамлысь мойд,
синванад син ворга
весьшөрö оз ойд.
Менсьым лолöс дойдіс
кывлөмторйыс дыр...
А вот аслам мойдöй
збыльторьясөн тыр:

«Зарни Төлысь кывтө,
шойччыны оз вод.
Сылөн югыд сывйын
мян Луноход.

Космос туйод водзё
төвзё вына морт.
Кутны өмөй позьё
сылысь вына борд!
Быдманныд да асьныд
шензьёданныд горт,
восьтас тиян дасьлун
лыдтём дивётор».

Вежтас сайё нёрё
Мулён Тёлысь чой,
синьясёс нин ёрё
шонділөн пось войт.

◆ ◆ ◆

Туйыд кузь, кор вывті ёна мудзан,
но эн кос нин туй джынсяныд бөр.
Восьлав водзё, восьлав,
медым узьё
енэжланьыс чёла пыксьём вөр!

Мый эм мөдтор тайё войысь муса,
көні олө ещö ыджыд шуд?
Синьяс водзад рытя лысва кусö,
мусö вевтьё асьядорса пуж.

Отнас кодзув кылас тэнсьыд радлун,
ачыс сійö — зарни лысва войт.
Вөрті муніг чуймылан и падман,
енэжысь кор аддзан Ыджыд Койт.

Вунөдлан сэк ассьыд ковтём ноксьём,
йöйыдкөд и прөсужыдкөд вен.
Кутшөм сэки вермас лоны шогсьём,
ас вылад кор ачыд Царь и Ен!

Тэ висьтасян:
кор кыпыдлуныд орö
да эновтлыны кутлас
олан гаж,
сэк казьтылан
зэв ылыс шоныд море,
пыр мелі гы
да шонді рöма пляж.
И меным овлö
коръяскö оз долыд,
рудз усьлö шöйöвошöм вöсна ки,
сэк бура кыла,
кыдзи мудзöм лолысь
важ бисö вежö
йирмөг пöльтысь йи.
Но яндзим лоö вынтöм
татшöм здукысь,
кор паметь видзö
вöвлöм биа шер.
А ставыс сійö,
öні мый ме юка,
водз воöм арлөн
кöдзавтöм на зэр.

Шонді кымөр сайё пырис,
вежсис юлөн сер,
вёлөсть пөлөн еджыд нырөн
шувгис тувсов зэр.

Дзебсис аслас пемыд көджө
ловзьём гут и гаг,
сөмын сырчик лайкыд бөжнас
парьялыштны рад.

Сійё өтнас бордъя рөдысь
көтасьны оз пов,
гашкө, медся бура төдө, —
зэртөг му шар вылын пөдө
дзик быд ловъя лов.

КЫДЗИ ВАРЧЧЫНЫ МЕНӨ ВЕЛӨДІСНЫ

Сикт горулын важөн
вөлі нюйтось куръя,
кодос челядь гажөн
рушкуон пыр гурйи.

Мукөд збойджык зонъяс
варччисны ю вомён,
некод, дерт, эз донъяв
ас сертиыс томос.

Завидьті ме налы
восьсөн, тшөтш и гусьён,
джуджыдджык жө валань
варччан туй мед усьө.

— Велөдам!...— и киө
ёсь гыж сатшлис вирөдз,
сідз, кыз кычанпиос,
шыбитіс сьөд йирө.

Упкайті да авзі,
ваысь мезді юрөс,
кодкө, кыла, равзіс:
— Курась, збоя курась!..

Курася, но кызди,
ки-кокөй кор измө?
Ва пыдөссө сидза
сьөкыд биаиз моз.

Чайтлі, тайӧ йирас
збыльысь нин ме пӧда:
шошаӧд, кызд сирӧс,
шыбитӧны мӧдысь!..

Вот и сына-уя,—
некытчӧ он воштысь!—
Тадзи варччан туйӧс
ачым аслым восьті.

Сэсся война кадӧ,
веськавлі кор пикӧ,
мездывлісны адысь
сідз жӧ аслам ки-кок.

Сэк ме вӧвлі ярӧн
(ярӧн кодь и чужлі!),
Дон ю кӧдзыд арын
варччӧм сорӧн вуджлі.

Ваыс вӧлі йиа,
шуштӧмлуннас мисьтӧм...
Пуляӧн да биӧн
кольӧдіс фашистыд!

...Та вӧсна и ёна
радейта пыр ватӧ,
Эжвайд и Доныд
меным ӧткодь матыс.

Зорӧд улын вой колльӧдӧ бара,
кӧть и уси-паръяліс нин лым.
Косьмӧм турун йирмӧг ӧвтан арын
кажитчис мам морӧс дорысь пым.

Шаркӧдчисны быд пельӧсын шыръяс,—
мырдди, гашкӧ, налысь шоныд поз.
Ме моз, шуи, медся шоныд жырйын,
медся шуда морт оз шойччы, оз!

Шоныд жырлӧн вывтӧ дзескыд тывйын
дзескыдӧн и овлӧ мортлӧн ун.
Куйліс тайӧ войӧ менам сывйын
видзвывса быд дзоридз, вӧр и му.

Тӧрыт тайӧ лои Озӧл улын,
сзні, кӧні повзьӧдчӧ Съӧд вад...
Некодлы эн эскӧй ті, мый тулыс
медся югыд, медся шуда кад!

◆ ◆ ◆

Тэ мунін... Ставыс лои тыртём
и ывла югыдыс тшөтш сьөд,
а кодлы ассьыд муслун пыртін,
мед тайёс некор ме ог төд.

Пыр вөвлі тадз и кольё тадзи:
кык сьөлөм мырдысьөн он йит...
Мый корсим, сійёс эгё аддзёй,
да-й өні ог нин аддзёй ми.

Кор кольё медся шуда тулыс,
мөд сэтшөм тулыс оз нин лок,
но колё чөв олөмөн нуны
быд шогысь медся курыд шог.

Нориник музыка юралö паркын,
лöсьыда йöктöны ныв да том зон,
некыз оз йитчы кöть водз воом аркöд
енэжлөн öшöдчöм лöz шöвкысь вон.

Топольяс сёрнисö нуöны дыша,
кылöны, тыдалö, гожöмлысь пом.
Йöктыны менö кö некод оз ышöд,—
абу нин тополь кодь мича да том.

Сöмын нин шогсьыны менымсö кольö,
видзöдны, шытöг кыз гылалö кор.
Паметьö бара нин вöзйысьö Оля,
нэм помöдз дзик öти вунöдтöмтор.

Тырмас... Мый кольöма, сйöс он бергöд,
тулыстö ар вылö некод оз веж.
Юралö музыка...

Шуда зон бердын
мöд Оля тулысысь мича да веж.

КЫДЗ ПУ ВЫЛЫН КЫРЫМПАС

Ныдз пулөн морос вылө
вөчөма кодкө пас:
пурт либө өжын йылөн
кольөма кырымпас.

Бурдөма пулөн дайыс,
важөн нин лои кос,
вежөдысь чалльөн лоис
мыччысьөм сэні рос.

Уна на морт нэм олас
юсайса кыддза рас...
Мыйла нө ми ог полөй,
му вылас кодыр олам,
колявны мисьтөм пас?

Поездын мунігөн падмылі,
бөрө кор коли нин Мадмасой
бытьёкө миян вагонысь
сэтчө тшөтш петіс и шоныд.

Пырисны выль пассажирьяс
миян плацкарта тшөтш жырйө —
пөрысьяс, зоньяс да нывьяс,
быдөнлөн көлуйтор сывьяс.

Төдмасьны зэв кокни туяд,
поезд кор тэрмасьтөг уйө,
кыв бөрся кыв:

— Вот и мөдім...

— Мөдім тай,— содтыштас мөд и.

Серам да сёрни кор ловзьё,
чөвлуныд пырысь-пыр повзьё...
Мыйлакө нывбаба өти
оз отсав гаж кыны ньөти,
меланьё кыйкнитлас гусьён,
дум вылас бытьёкө усьё
кытыськө аддзывлөм чужөм,
томдырся вөлөк ув вуджөм...
Чөвусьлы, шуа ме аслым,
вом дорөй эз на көть пась ло:
Абу-ө Оляй? —

Пөрысь

сералысь аканьяс шөрын,
юрас көть дзоридза чышьян,
дзор юрси кывзысьтөг пышйө...

...Томось сэк кыкнанным вöлим,
колльöдiм вөр Мадмас пöлөн,
пармаö водз воём тулыс
веж эшкын козьналіс мулы.
Вежөрын олө, кыдз аттьö,
Олялөн еджыдвиж платтьö,
кыдз пулөн сэтшөм жö еджыд
нылыскöд öтувтчöм эжыс.

— Помнитан?..—

абу зэв гора
кыв менсьым воча кыв корö.

— Помнита... Енэжысь кодзув
чуктöдны коркö мöй позьö,
дзирдалö оз сöмын войын,—
югöрсö пыр сійö койö.

Мед öнi ог жö нин тöд ме,
кыдзи сэк лоин тэ мöдлөн...
Пöсь аттьö, томдырся Оля,
сьысь, мый сьöлөмö колин!

Поездным надзмöдліс öдсö,
туй көть эз вöv сылы пöдса,
нывбаба веськыд ки сетіс,
зэр улö поездысь петіс.
Колльöдны сійö эз тшöкты,
көлуйыс оз пö тай сьöктöд...
Дзирдыштліс сэк синьяс водзын
синьясас кык кусöм кодзув.

Миян челядлысь мый тэ босьтан,
кодыр вöчасны, кыз он чайт...
Висьтав, шуасны, ичöt Кöсьта,
кычö воштысис тэнад ай?

Зонлön ворсантор кисьыс усьö,
сувтса кынмылас сылön син,
бытьö видзчысьтöг воöm висьöм
аддзас поздысьны медбурин.

Керка поскöдыс öдйö каяс,
кодi абу нин выль да ён.
— Мамö, висьтав тэ, кöни айö?..—
сылань уськöдчас бөрдысь зон.

Мамлön син дорыс аслас вазяс,
мöдлысь важön нин вевттис сiм...
Сылön, позсö код асьыс разис,
лоны вермас мöй мортлön ним?

Кызди висьтавны пины сiйöс,
абу шудтöм мый сылön рök?
Нэмсö коряс мед асьыс пиöс
сё пöv шудтöмджык позтöм кök!

Детскöй садйын гижöд лыдди.
Ичöт челядь — ерöмакань!—
сыысь меным козин пыдди
пöдаритісны выль акань.

Акань збыльысь вöлі мича,
синсö пöдлалö и восьтö.
Эг куж мый и вочавидзны,
дона козинсö кор босьті...

Кекеначөн да пöсь нюмөн
челядь колльöдісны менö.
Налысь козин гортö нуны,
гашкö, горшлунöй сэк веніс.

Сöмын öти нывка шога
дзоргис менам радлун вылö...
Но а менам кутшöм могыс
гөгөрвоны шогсö сылысь!

Сьöлөм вөрзис... Аски нуа
сылы, мамыс мый эз ньöблыв...
Менсьым некод мед оз юась,
öтчид мый гусявлі мöдлысь.

КАГАЛӨН БИАВИСЬӨМ

Кагалөн биависьём,
ыпъялө яйыс жарөн:
көвъяліс сійөс, мися,
йирмөгөн пөльтысь арыс.

Төждлунөн висьө-й мамыс,
сылы став дойыс сюрө,
абу өд на нелямын,—
кызъыс эз тыр на бура.

Медводдза пи өд чужис,
медводдза шог и инмис.
Мый нө том мамыд кужө?
Кисьтыштас ассъыс синва...

Дерт, врачыд бара волас,
мөдысь на волас талун,
шуас: — А письыд лоас
медыджыд генеральс!..

Шуткаыс да порошокеыс
висьысьлысь жарсө кондас.
Бур, кодыр чужтө шогыд
синва да югыд шонді!

Паськыд Коми муысь, кытчö кöть он волы,
гажтöм чöвлун öнi некытысь он кыв.
Кöнкö, дерт жö, олö,
кöнкö, тöда, олö
меным вылö сиём öти мича ныв.

Сы дiнö пöсь муслун
сьöлöмысь оз куслыв.

Шудлунöй тэ менам,
Луза вывса Лена,
дона ныв!

Кöть и ичöt грездын, а оз ыджыд карын
кольö менам Лена мусукасян кад,
сылы тырö арын
дас көкъямыс арöс,
дзоридзалö томлун, кызди тувсов сад.

Кыаысь на мича сылөн авъя чужöм,
лöз енэжысь сöстöм ёль ва рöма син,
Луза вывса Лена медся бура кужö
радейтны да гажöдны тшöтш асьыс чужанiн.

Сы дiнö пöсь муслун
сьöлöмысь оз куслыв.

Шудлунöй тэ менам,
Луза вывса Лена,
дона ныв!

ТӨВСЯ ВӨРЫН

Вурун кодь лым ягö вольсасис төрыт,
жоньлөн нор сьыланкыв кылыштö вöрын.

Видзöда, садьмö кыз сёрмöдчöм кыа,
кывзыся раминик музыка шыö.

Мусаяс, öтнаныд колинныд вöрын,
шонди и, гожöм и — ставыс нин бöрын!

Лунвылö вешйисны ёртьясныд тiян,
накöд эн лэбöй тi, пармалөн пиян!

Енмöй видз, кодлыкö тiянöс кыйны,
муслунөн кедзовтны, лёклунөн лыйны!

Локтöй жö, майбыръяс, локтöй жö сиктлань,
лэбув и сёянтор тiянлы ликта.

...Нориник сьыланкыв кылыштö вöрын.
Сьöлөмöй жугыльтчö пöсь морöс шöрын!

ЧЕЛЯДЬ МУНОНЫ ГОРТЫСЬ

Челядным быдмисны,
муноны гортысь,
сөвмисны, ёнмисны
асланыс бордъяс.
Муноны... Петоны...
Век кежлө, гашкө!
Керкаой тыртөммө...
Ой, кутшөм гажтөм!
Быдтысян, виччысян,
торъялан тадзи...
Эг өмөй бать позйысь
кыпөдчы ачым?
Сэк тай нө мыйлакө
эз тырмы сямөй
пөсьджыка оковны
ассьым бур мамөс!
Кыз тайөс челядьлы
висьтавны кужа:
томлуныд кылалө,
вошө кыз вуджөр...
Асьым мыж казтыла,
бурджык шуд сиа:
— Бать-мамтө радейтөй,
нывьяс да пьян!

◆ ◆ ◆

Завидь сьолөмтө кө йирө,
сылы, муса друг, эн сетчы,
медым прөста тэнад вирыд
нинөм абуысь оз пессьы.

Абу ставыс сыын шудыс,
мыйын мукөд дырйи чайтам,
но өд ог на бура кужой
збыльысь шудсө юкны няйтысь.

Вывті ичөт сылы доныс,
мича кывъяс коді дольө...
Мый нө сылөн олөм помысь
йөзлы бурыс нөшта кольө?

Мөдлы ачыс сөмын муса,
сэсся быдтор дінө көдзыд.
Медым мыйөн колө шусьө,—
прөста бур йөз пөвстас жөдзө!

Аслад тшаплунөн эн лөстав,
тувсов енэжсө эн тшынөд...
Завидьлун мед вөлі сөстөм,
кыдзи миян войвыв сынөд.

Бара огӢ тӢрӢй Ӣти позйӢ,
ырӢянитны тӢкӢд абу вӢйӢсь...
Мыйла нӢ ми,
быттьӢ торья розьяс,
Ӣта-мӢдысь янсавлытӢм гозья
корьяскӢ тшӢтш овлам татшӢм йӢйӢсь?

Абу кокни олан туйтӢ вуджны,
Ӣти шуд нӢль киӢн Ӣтвыв дорны.
Видзны муслун колӢ Ӣна кужны,
кужны колӢ тшӢтш и прӢща корны.

ГашкӢ, коркӢ чужасны выль войтыр,
мездмасны быд вуджӢрысь да няйтысь,
донаджык сӢк лоӢ синва войтыд
миан кадӢ ветлысь Ӣзысь шайтысь.

ТатшӢм мича асывсӢ ми тӢкӢд,
вермас лоны, донаӢй, ог аддзӢй...
Медым ӢнӢ, ыджыд кыа петӢг,
кыкнаннымӢс кутас сотны яндзим.

◆ ◆ ◆

Надеяӧс эг на вошты,
лыдтӧм мӧвпӧн юрӧй жуӧ...
Гашкӧ, туйын падмӧм пошта
чужан муысь ваяс юӧр?

Вой тӧв пӧльыштас кӧ, кыла
мыйкӧ тӧдсаӧс да асӧс.
Ой, тэ кутшӧм, кутшӧм ылын,
миян паськыд, гажа раскӧй!

Кодзув серти войын тӧда,
кытчӧ кыссьӧ ӧти ордым.
Мыйла сӧмын лэбач рӧдлы
кодкӧ сетіс кокни бордъяс!

Ассьым мыжӧс пыка гусьӧн:
сетлі кыв, но эг куж воны...
Медся ыджыд шог кӧ усьӧ,—
вошӧм мортӧн коркӧ лоны.

◆ ◆ ◆

Мортлы колö чöвлун,
кыдзи колö нянь,
öтисö и мöдсö видзны колö
кужны,
унмовсяс мед лöня ичöt Вань,
выль кывбурьяс вермасны мед
чужны.
Кодьяслөн нö сьöлөмьясыс пым
мырддыны и шуд, и чöвлун
мулысь?
Юргö медым реактивнöй гым,
сідз жö, кыдзи локтö гажа
тулыс!

Вой төв пөльтө паныд,
сотө чужөмбан,
козьнав меным, мамөй,
кузь сыръя чышъян.

Сылөн паськыд дорас
уна рөма визь —
Изьва бердса дзоридз
мичмөдіс веж видз.

Чышъянася-вөчча,
өшөдчас быд сыр,
ме бөрся мед вөтчас
муса зонмөй пыр.

Сувта сылы паныд,
восьта чужөмбан...
Козьнав, козьнав, мамөй,
кузь сыръя чышъян!

Думыштан да, кутшөм сөмын дивө
том олөмысь казътыштны оз сюр!
Миянкөд жө вөр пөрөдіс Ивө,
Ивө, коді вөлі слепөкур.
Збой да зіль и ва вылын, и вөрын,
кужис бертны медся сьөкыд удж,
сөмын мунны шонді лэччөм бөрын
важ баракө Ивөным эз куж.
Ставлы теш, кор сійөс колям ылө,
горөдлам да бара ланьтлам чөв,
асьным полам, медым көть эз ылөд
мөд туй вожын лэчыдалысь төв.
Первой пятилеткаяслөн вояс!
Томлун небыд койкаын эз узь:
омөля кө удайтчыліс сөйны,
тырмис босьтны пельпом вылө мудз!
Сэки менам первой кывбур чужис,
юрысь коді өні на эз пет.
Миян Ивө медводз босьтны кужис
медводдза ударниклысь билет.
Казътыштан да, синмыд шогөн тырө...
Көні нө тэ, муса Слепөкур?
Волхов дорысь гадинаөс зыриг,
пуктөма пө, кывлі, асьыс юр.
Өні вөрын ыджыд шуда йөзлөн
кутө чер да пила вына сой.
Медым олө морт сьөлөмын лөглун
сэтчөдз, кытчөдз ловъя кольө дой!

◆ ◆ ◆

Пушкаяс оз гымавын нин важон,
но дзик нином паметъысь эз вун...
Шондйон мед нэмъяс лоо гаж
они мян муса чужан му.

Сийо абу чорыд из да лыа,
абу кодзыд саридзыслон йир.
Весиг кыа,
вор ди весьтын кыа
казытыло,
мед воли шуд да мир.

Ыбъяс весьтод кымор товзьо-лэбю,
шонид зэрлы индо туйсо гым.
Орденъасто некор ми ог дзебой,
сьолommaясным они наысь пым.

ТӖда, мый тэ абу ныв,
сы вӖсна и пола
шуны куим мелі кыв:
кыдзи ӧні олан?

Сёрниттӧгыд туйыд кузь
да и абу долыд,
торйӧн сэк нин, кор оз узь
аслад мыжа лолыд.

Ӧні, жаль кӧть абу жаль,
ставыс коли бӧрӧ,
сӧмын енэжлӧн сьӧд шаль
кодзувъяснас вӧрӧ.

Волас уна шоныд вой
миян вӧлӧсть помӧ...
Медым казътылӧ важ дой,
мый ми вӧлім томӧсь.

ӨТЧЫД НЭМЫН

Аслам нэмын вилі өти тарӱс...

Помнита, кор тырис дас кык арӱс,
батьлысь пищаль мырдӱн сорӱн кори,
луйсьыны пыр муні вӱр ді дорӱ.
Вӱралысь ме вӱлі сӱк, дерт, омӱль,
но друг аддзи пу йылысь сьӱд комӱль...
Кужанлуныд, вӱлӱм, оз ков уна
вӱрысь мыйкӱ гусясьӱмӱн нуны.
Тайӱс лыдди усьӱм тарлӱн синмысь...
Лӱк вылад кӱть дрӱб, кӱть пуля инмӱ!

◆ ◆ ◆

Став енэж аслас помтөм отнас
сэк вöлі лöз да турунвиж,
кор реактивнöй самолётлөн
друг сійöс гижтіс еджыд визь.

Кöрт лэбач водзö лэбис шытöг,
эз воны муöдз сылөн гор.
Тадз варыш кыпöдчö да тышö
збой выннас паськөдливлö борд.

Кор завидьлуныс сьöлөм сотö,
ме сійöс ланьтöдны ог куж.
Эг ло кö ачым збой пилотөн,
мед эськө му вылас эг чуж.

БИПУРБЕРДСА ДРУЖБА

Мед дзуртö кок улын туй юж
да енэж кокни лым чир кöдзö,
салдаттö кынтыны оз куж
и комын градусысь ён кöдзид,
но туйын бипур, век жö, дась
пыр вöчны асьыс ыджыд служба.
Öд коркö ачымöс эз пась,
а шонтіс бипурбердса дружба.

Бара кывтö Руза вывтi йи,
тöвся паськöм чöвтö гудыр юыс.
Чужан мусянь ылынöсь кö ми,
вай жö танi пасьям воöм тулыс!

Танi водздзык миян серти лым
азым мулань лясмуно да йиджö.
Срочной телеграмма тувсов гым
Сыктывкарö миян пыдди гижö.

Миян вöсна некодлөн нин оз,
муслун гыөн сьөлöмыс оз вежнясь.
Кылам, дерт, кыз шувгö паркын коз,
йиа пленысь мездысьö тшöтш Эжва.

Еджыд юсь моз кокни кымöрттор
войвывлань жö мыйлакö со уйö,
турияслөн чуксасяна гор
миянöс тшöтш корö петны туйö.

Кутлыны выль ёртъяснымлысь ки
торйöдчигөн, думайта ме, кужам,
весиг кувны сэтчö мунам ми,
көнi коркö тэкöд овны чужим.

◆ ◆ ◆

Кутшөм лунө, кутшөм часө
коммунизмлөн воас асыв?
Төда,
сйө коркө воас,
но ог төд на, кутшөм лоас...
Оз горнистьяс петны водзө
маршөн колльөдны салют,
миан му весьтын выль кодзув
ворсны югөрнас оз кут,
но дзик ставыс лоө сөстөм,—
сынөд, сьөлөм, мөвп и син...
Некодлы оз ковмы прөста
кыз портфель да ыджыд чин.
Вунас сэки ковтөм сөрөм,
дзикөдз бырө лөж да ёг.
Сйө муыс, кодөс гөрам,
оз кут некор төдны шог.
Завидь, гашкө, сөмын кольө,
медым ышмөдны том лов.
Югыдджык на сөстөм ёльысь
лоө томъяслөн любов.
Кыз пу,
дзоридзьяс и кыа —
ставсө налы колям ми,
медым кыаысь тшөтш кыас
нывлы сикөтш муса ки.
Воас,
воас сйө часыс,
шуда мулөн медбур асыв!

Э жваті-ваті
кывтам и катам,
кывтам и катам,
ылө и матө.

Меліа, кылө,
тувсов вой сьылө,
тувсов вой сьылө,
юралө ылөдз.

Кыалөн-юсьлөн
югөр оз куслы,
некор оз куслы
сьөлөмысь муслун.

Кодкө мөй вежлас
тэнө, лөз Эжва,
тэнө, лөз Эжва,
өти здук кежлө?

◆ ◆ ◆

Ты шорын купайтчö тöлысь,
гожся вой ланьтöма чöв;
бытьöкö колльöдö кöлысь
дзирдалан сермöда вöв.

Шойчöны мудзыштöм зоньяс,
быдөнöс сывъялис вöt.
Видз вылö зэлöдöм вонйын
сынöднас некыз он пöt.

Синваысь сöстöмджык лысва
сёнъясысь оз на кöть сыв,
асылыс сьёлöмысь кыскас
шуд йылысь выль сьыланкыв.

Сетöй и меным тшötш куран,
медым кöть гаддьöсьлас ки...
Коркö öд, тöданныд бура,
вöвлі жö крестьянин пи!

Сьылöмөн оз ёна лöсяв
пальöдны вөр-валысь ун,—
кывбурөн колö и пöсьөн
матыстны шондіа лун!

Кыалөн чужигас вöрысь
окасьны петалас тöv.
Ты шорын купайтчö тöлысь,
гожся вой ланьтöма чöv...

БИЫН ОЗ СОТЧЫ

Биын оз сотчы
ваысь оз пов,—
шуёны рочьяс,—
ыджыд любов.
Эскöй көть энö,—
эг бокась кыв:
висьталіс меным
öти бур ныв.
Шуткаöн чöвтис
восьлалігмоз
дзоридзьяс пöвстысь
медмича роз.
Томьяслөн гажөн
юксьыны сёр,
юрöй нин важөн,
аддзанныд, дзор.
Сьöлөмöй... Сійöс
некод оз тöд:
томдырся биыд
некор оз пöд.
Син дор кыз вазьö —
ачым ог кыв...
Медым оз казав
сералысь ныв!

◆ ◆ ◆

И чөтдырся мывкыдөн да сямён
медводдза кыв коркё шуин:

— Ма-мё...

Кад кор воис мунны служба вылө,
шыёдчин:

— Эн вунёд, муса нылөй!
Шог кө босьтліс тэнё аслас сывъяс,
казьтылін сэк:

— Менам чужан кывйөй!..
Уна туй да ордым куйлө водзад,
кутан корсьны:

— Кён тэ, войвыв кодзув?
Радлуныс и шогыс уна волө,
шуны медым бара:

— Майбыр, олөм!..
Кодзув кусё, дойдны вермас нылыд,
чужан муыд тэнё нэм оз ылөд!

◆ ◆ ◆

Дедыс уджаліс нэмсө,
эз веськөдлы мыш,
но и батыс эз шуывлы
өти кыв: дыш!
Чорзьом сөнъясөн пөльтчөм
да зэлалөм ки
талун радпырысь
петкөдлө налөн нин пи.
Гаддьөсь ки помысь
мичаммө олөм и му,
сетчө космос
и туй визьсө вежлалө ю.
Троньяс воштөмысь
тірзьө корольяслөн лов,—
удж выв йөзлөн династия
чөртысь оз пов!

◆ ◆ ◆

Бур мамлы дона ныв и пи,
оз петав сылӧн шогыс юрсьыс:
дзик ӧтмоз дойтӧ кылӧ ки,
кӧть кутшӧм чунь он босът да курччы.

И тэ куж ассыйд вын да сям
дзик ставнас чужан мулы юкны,
ӧд сійӧ — медся дона мам,
а лӧглун мам вылӧ оз кутны.

◆ ◆ ◆

Чайтанныд ті, вöлыд сöмын гöрдлө?
Вöлыд вермө морт ногон жö бöрдны,
синваон,
и курыда, и шога,
оти кывйон, дзик жö войтыр ногон.

Миян нэмын мый сöмын эз вöвлы! —
сюрлі уна тшөтш и мыжтөм вöвлы.
Гижа öнi, думайта и пола:
казьтивны-ö ставсö бара колö?

Туйö петиг верзьөмөн көть сөлөй,
но эн нөйтөй, зонъяс, мыжтөм вөлс.

◆ ◆ ◆

Д женьыд тэ, войвывса гожом,
волан, кызд зэв ылыс гость,
кор сэсса Подчером вожо
койыштан шондильсь пось?

Дзоридз тшотш копыртис юрсö
сийс тшотш шымыртис шог,
йирмöга ру матыс нюсянь
видз вылö эз на көть лок.

Зорöдö водöма турун
кольöдны пötöса төв.
Тэрмасьö кодлөнкö Сюрук
кисьтыны ведраö йöв.

◆ ◆ ◆

Юкмөсө некор эн сьөлалөй,
ягө эн уськөдөй би,
поз вылын пукалысь сьөлаос
вины оз кыпты мед ки.

Уна эм му вылас мичлуныс —
лысва, веж дзоридз, сөдз ю...
Тэныд кө тырмымөн вичмөма,
мукөдлысь нинөм эн ну.

Мед лөня вашкөдчысь пуяслөн
некор оз косьмы веж кор,
медся лёк кывъясөн, кулан да,
аслад жө пиыд оз ёр.

◆ ◆ ◆

Сьод дзоридз некор оз овлы,
кыа важ паськӧм оз новлы,
катыд оз котӧртны шоръяс,
тӧлын оз вежӧдны коръяс.

Шондӱыс асылын петлӧ,
пыр ӧти туй вывтӱ ветлӧ,
гуляйтӧ Тӧлысьыс-чойыс
важ мозыс пыр сӧмын войын.

Мыйла нӧ сӧрнитан уна,
кор ӧти вевт улысь мунан?
Чӧв овны сӧки ӧд колӧ,
кык пельӧ орӧ кор олӧм.

◆ ◆ ◆

Дзик быдөн сөмын сійөс көсйө,
мед сьөлөм бердас вөлі пым,
а ловзьөм пуяссө пыр лөсйө
лым.

Оз ков, дерт, мортлы паччөр шонид
да-й бипур дорын дыр он узь,
кор ылі туйысь сылы воны
оз торк и вывтi сьөкыд мудз.

Но збыльысь сэки воан пикö,
он кыв кө мөдлысь шонид ки.
Оз прöста шуны: сьөлөм битөг
оз öзйы мөд сьөлөмын би.

Мед лымйыс лөсйө дуригмозыс
куш эрдысь медводдза веж кор.
Тэ лоан сэки медся озыр,
став пöсьлун йөзлы сетан кор.

◆ ◆ ◆

Енэжыс быттьо розя,—
помасьтог киссьо зэр,
аддзыны сомын позьо
ошиньлысь бөрдан сер.

Ылө нин коли бөрө
ылавлөм гожся жар,
ыдждавын петіс вөрө
пувья да тшака ар.

Мыш вылө пестер чөвта,
сывьяла вужйись доз,
сьылігтыр пета көвтны
вотөслысь кисьмөм роз.

Зэрыс оз чинты гажос,
сутки көть шливгас мед,
сыысь эз дзевсьыв важөн,
помнита, менам дед.

Арын, кор ошинь бөрдіс,
паччөрас эз на узь,
кыскаліс буретш вөрті
ас вылас ва да мудз.

Мустөмтны важся олөм
дзикөдзсө оз жө ков...
Төд вылын кутны колө:
миянын өні олө
дедьяслөн зумыд лов!

◆ ◆ ◆

Видз выв өвтö маон,
мулön ловзьöм вынön.
Веськöд горштö ваон,
а ме юа сынöд.

Зарнисö кор кыа
койыштас тыр содзнас,
садьмöм лэбач шыысь
садь быртöдз жö коддза.

Син куньöмön муна
эзысь лысва вывтi,
дзоридзтö ог вунöд
сьöрысь вайны сыв тыр.

Мый нö ещö коран,
дум вылад мый усьлö?
Абу öд зэв гора
збыльысь ыджыд муслун.

Дивит мыйта колö,
мыйла татшöм чужи...
Радейта кö олöм,—
би пыр сёысь вуджи!

◆ ◆ ◆

Ниссьö шоньд тувсов зэр
лымйысь мездмöм муö,
азым вомнас ловзьöм эрд
брагаöс моз юö.

Туйсö воштіс визув төв
миян помтöм вөрö,
быд пу кыпöдчис, кьдз ньöв,
öдъя пывсян бöрын.

◆ ◆ ◆

Тöрыт на быттьöкö йиркöдчис гым,
талун куш му вылö усьö нин лым,
бобулöн паръялан ывлаыс чöv...
Вöр-васö дыр кежлö сывъяліс төв.

Мыйла нö гажтöмчин?
Мый лои жаль,
Юр вылад чövтін кор нывдырся шаль?
Му вылын ставыслöн йыв эм и пом,
тэ сöмын пыр öткодь мича да том.

◆ ◆ ◆

Тайё войё эн узь,—
лоас чудё:
потас льём пулён нэриник кор.
Тэ кө вөр-валён мичлуннас шуда,
верман казявны аддзываетор.

Тайё войё эн узь,—
ставсё воштан:
мулысь медводдза лов шы он кыв.
Гашкё, тэныд тшётш сё бордья пошта
вайё лунвывсянь сё сыланкыв.

Тайё войё эн узь,—
коть и сёр нин
юкны кодлөнкё сьёлөмысь би,
ловзьём пу улын вашкөдчан сёрни
кутам нэм помөдз казътивны ми.

Сейтӱг овны позьӱ,
сьыланкывтӱг — оз!
Бара кыскӱ водзӱ
гора асывводз.

Кыдзи чужӱ, кыла,
пуяс костын тӱв.
Мыйла, дона нылӱй,
ӱтнад олан чӱв?

Талун ставыс сьылӱ:
парма, ыб и ю,
дзоридзьясӱн тырӱ
миян чужан му.

Ӑтвылысь вай кывзам
налысь мелі гор,
татшӱм сьыланкывйыс
некор мед оз ор!

◆ ◆ ◆

Поезд янсөдө да йитө,
шог ни шуд оз кыв.
Зонлысь медбөръяысь кисö
талун кутлö ныв.

Лым чир сылөн син лыс йылас
али синва войт?
Лöнь платформасянь зэв ылö
кывтö эзысь вой.

Дерт нин, матын, вөръяс пöлөн
тöвзё поезд-нёв.
Öти сывйын кык пöсь сёлöм
да кык вом дор. Чöв.

Öнi налы матыс битöг
лоны колö здук...
Мед жö туйыс йöзöс йитö,
а оз янсөд-юк.

ТАЛУН ДЗЕБӨНЫ МОРТӨС

Талун дзебөны мортөс...

Да оз ыджыд чинъяса мортөс,
катафалк вылө сылысь

оз лэптыны кокныдик горт,—
сійөс босьтисны ки вылас

ланьтөмөн восьлалысь ёртъяс,
кызди лэптөны му вылысь

лэбачлысь чегьясьөм борд.
Бөрдө өтнас оркестр,

да и сійө оз кладбище дорөдз
(вывтi уна пө ворсөмысь

босьтасны мынтысян дон!),
сөмын шондiлысь син пөвсө

енэжысь некор оз орд,—
сійө видзөдө вылісянь

пыр öзйысь öгыр кодь дон.
Сувтлөй... Кодөс да мыйла ме

туй вылысь сувтөдны көсья?
Кувсьөм войтырөс эрд вылын,

кажитчө, некод оз видз,
кынмөм сьөлөмыс некор нин

мөдысь оз вөрзьи да öзйы,
сійөс ловзьөдны некутшөм вын

да лекарство оз сидз.
Коркө кувся и ме...

Абу ылын нин чергөдчан кадыс,
кодыр сывъялас ачымөс

көдзыда лолалысь му.
Олөм помасьө сидз,

кызди войтырлөн вежөдысь садйысь
усьө кокйывсьыс косьмөм

да важөн нин нёровтчөм пу.
Мыйла та йылысь сёрнисө

водзвыв да виччысьтөг пана?

Бура кыла на сьёлөмлысь
неуна збоялан гор...
Кувсис,— тоданныд он? —
Муніс ми дінысь век кежлө талун,
гашкө, зэв уна йөз лыдысь
медыджыд сьёлөма морт.
Сылы чиньяс эз ковлыны,
төдчөдны асьсө эз көсйив,
ыджыд пенсия некодлысь
асланьыс мырдөн эз юк.
Оти войтөдз став вын,
аслас сьёлөмлысь медбөрья посьлун
сійө сетіс дзик отнадлы тэн,
миян Рөдина-му!
Сьөрсьыс некод эз нулы на
весигтө кодзалөм ловсө,
но и му вылас, овлывлө,
ыджыд оз кольлывлы пас,
сөмын, медтыкө, йөз серти
ёнджыка кокниа овсис
да мед йөз серти сёрөнджык
матыстчис медбөрья час.
Татшөм олөмтө зывөктіс морт,
кодөс колльөдам талун:
тышын пыр вөлі водзын,
и удж вылө корны эз ков,
няйттө нимтыны няйтөн
пыр дась вөлі медыджыд залын,
и начальниклысь дышлунсө
бертыштны кывнас эз пов.
Татшөм мортыслы памятник эськө...
Но изйыс оз тырмы,
частө видзам ми сійөс
ог колана ногөн, а сідз...
Югыд олөмө петтөдзным,
тыдалө-тыдалө, дыр на
ми ог велалөй аддзыны
войтырлысь медыджыд мич!

* * *

Турун си оз кусынт төв,
тылөн веркөсыс оз верав.
Войыс сэтшөм,— шы ни төв! —
весиг сюзьлөн петіс серам.

* * *

Ыбъяс весьтын вельмөм турөб
еджыд флагөн өвтчө-дурө,
тадзи төв помыд пыр пессьö,
локтан тулысыдлы сетчө.

* * *

Төв пом синваён оз бөрд,
эз на өшйыны йи нёньяс.
Кыа чужанін кө гөрд,—
сійөс мичмөдісны жоньяс.

* * *

Ывла пасьталаыс ном
зыньгө-бөрдө лёкысь:
— Меным воис курыд пом,
кодкө курччис чукля кокөс!..

Өти арлыдалөн портрет

Сулалө көть неуна и ылынджык,
төдчө бура: биысь абу повлөма...

Сылөн веськыд пельпомыс кӧ вылынджык,—
уна во винтовка сійӧ новлӧма.

Нывлы, кодӧ козьналіс дзоридзьяс

Алӧй дзоридз
вайин вӧрысь,
но зэв сёрӧн..
Ме ӧд пӧрысь!

* * *

Мича кывбуръяс кывзӧны паськӧдӧм вомӧн,
но кор кывбурыд водзӧ ни бӧрӧ оз син,
сэки унмовсьӧм войтырлысь ӧщӧпек помӧн
восьтны он вермы дыр кежлӧ пӧдласьӧм син.

ВОЙНАЛӨН ЙӨЛӨГА



КУСЛЫТӨМ БИ ЙЫЛЫСЬ БАЛЛАДА

Усьөм войтырлы ۆзтөма Куслытөм би,
лөня сулалам ёртъяскөд сы бердын ми.
Тані лунвывса вой кырныш бордйысь на съөд,
орччөн веськалөм мортөс, көть көсьян, он төд,
но кор вөрзылас би кывлөн алөй-лөз борд,
сылань матыстчас, казялам, кок пөла морт,
кыскас куритчан сійө, но истөг оз корсь,
босьтас киас да шамыртас туй боковысь рос...
Бокө вешыштам ми...

Бокө кежыштөй ті!—

медым кок пөла мортысь ог сайөдөй би.
Но дзик весьшөрө, тыдалө, сы вөсна төжд,—
коктөм мортөс оз дөзмөдны чукөрмөм йөз;
сылөн паметяс усьөмъяс ловъяөсь пыр,
орччөн кодъяскөд оліс да другасис дыр,
өти чигарка дас вом дор чишкавлис кор,
эз кө кодлөнкө олөмыс водзтіджык ор...
Тайө дасөдыс — ачыс, а сійө эз кув,
өні куритчан дінас оз корсь истөг тув,
өзтө Куслытөм бисянь... — Ме том вөлі сэк...
А ті ме серти томджыкөсь лоанныд век!..
Сідзкө, важ мозыд юкамөй чигарка пом,
важ моз бара мед тшынасьлас поэялөм вом,
сэсса уськөдчам водзө, кор тшөктас приказ,
чужан мулөн пеж врагьясысь нырыштам ляз!..
Карсө важөн нин сывьяліс водз воөм ун,
өтнас кок пөла морт аслас туйөд оз мун,
сійө виччысьө, вуджөр моз сувтасны кор
орччөн сы дінө тшөтш өкмыс кувлытөм ёрт.
Важөн чигарка кусі... Оз сот сылысь ки...

Нэмьяс дзирдалас му весьтын Куслытөм би!

мед фронтывивса вöвлөм бур друглы
эз вöч сійö видзчысьтөм дой.

Наркозлөн пö выныс на ыджыд,
оз ор менам другöйлөн ун,
а сійö, хирург, абу мыжа,
мый шоглуныд йирö оз сун.

Кöть комын во коли нин бөрö,
кор шонділөн ясыдмис кытш,
но, кажитчö, ловъя на вөрög,
а коктөм пыр нуöдö тыш.

КЫВТАСНЫ ВОЯС

Кывтасны вояс,
но сьёлмад дойыд
некор, ме төда,
оз бурд
на кузя, кодъяс
фашистьяскөд бойын
пуктисны
ассьыныс юр.
Пыр кутас казътивны
вежөдысь пуыс
бать-мамлысь
вунлытөм шог:
куйлөны өтувъя
зэв ыджыд гуын
кодлөнкө верөс да вок.
Помнитөй, ловьяяс,
налысь быд вуджөр,
киподтуй,
синъяслысь сер.
Помнитас мед,
коді сёрөнджык чужас,
нөйтліс кыз
миянөс шер.
Крепыда кутө
гвардейскөй застава
мирнөй границалысь визь.
Усьөмлысь кувлытөм
подвиг да слава
видзө быд сьөлөм да из.

АЛКӦС ЛЫА БЕРЕГ ДОРЫН

Алкӧс лыа берег дорын
ворсӧ лӧчыдалысь гы,
сылӧн гожӧмбыд оз орлыв
гора гудӧкасян шы.
Тайӧ ва дорас ме чужлі,
кольлі бурлачитан кад.
Важ моз кык кер вылын вуджны
юсӧ бара лоа рад.
Мӧдлапӧлас пӧрысь пожӧм
менсьым корас воча кыв:
кутшӧм муын, кутшӧм вожын
ӧртлӧн ланьтис сьыланкыв?
Вазьӧм синъясӧс сӧк чышка,
босьта муысь чегӧм рос,
сэсся тэрмасьӧмӧн кыска
зептысь донтӧм папирос.
Быдӧн вӧсна, дерт жӧ, мыжа,
война вылысь код эз во...
Тӧда, миян кымын пыжын
сынысь-бӧжалысь эз лӧ!
Дӧваяслы синва кысьтны
кадыс вӧлі вывтӧ кузь,
а ме некодлы ог висьтав,
мыйла войснад ог узь...
Важ моз лыа берег дорын
ворсӧ лӧчыдалысь гы.
Тӧдтӧм челядь серам горӧ
ассьым шогӧс ог, ог кы!

ГЕНЕРАЛ МИКУШЕВ ДА СЫЛӨН 41-ӨД СТРЕЛ КӨВӨЙ ДИВИЗИЯ ЙЫЛЫСЬ БАЛЛАДА

«Тайё дивизиялөн подвигыс абу ичөтджык
Брестса геройяс подвигысь...»
Маршал Ф. Голиков.

Рава-Русская кар дорё
сылөн дивизия сувтис,
медым тышкасьны врагкөд
да тані жё, ковмас кө, кувны,
өти воськов джын чужан му,
дона му сылы не сетны
да победаөн, сөмын победаөн
враг вылын петны.
Вит фашистскөй дивизия
уськөдчис асьядор войё
өти миян дивизия вылө сэк
вир кисьтан бойё.
Генерал аслас пиянлы
бать кодь жё стрөглунөн шуис:
— Татысь вешйыны миянлы!
некор оз ло мисьтөм туйыс!
Кызь нель час сетис, мөдарё,
аслас бандитьяслы Гитлер
Рава-Русская кар дорысь биён
став ловьясө бритны,
но вит лун да вит вой
тайё кар дорын тышыс нин мунё,
генераллысь приказ
аслас сьөлөмысь некод эз вунöd;
кодос пуля нин сконъялис —
бара на кыпөдчө сійё
да гранатаяс шамыртө
көдзавны кутөм нин киён;

вирён ойдём окопльн жё
кыссыны зільёны найё,
кодъяс госпиталь вон улын
корсьны оз кёсйыны сайёд;
сёмын усьёмъяс куйлёны
рытывлань юрнаныс паныд...
Но ёд усьёмёс некор
да некод оз дивит да янёд!
Найё вёчисны ставсё,
мый вермисны олигас вёчны,
налысь подвигсё некор
да некод, кыз лои, оз стёчмёд.
Талун олысьяс! Помнитёй пыр,
кутшём сёкыда шеді
Рава-Русская кар дорын
зэв ыджыд тайё победа:
сэні куйлёны орччён
да ётувъя зэв ыджыд гуын
генерал аслас пиянкёд
пёсь вирён киськалём муын.

◆ ◆ ◆

Дыр на, дыр на казътивны ми кутам
война кадся тулысьяслысь сер,
сотісны кор тайӧ дона мусӧ
аддзвывлытӧм би да свинеч шер.

Эг кӧть вӧвлы ачым полысь рӧдысь,
ковтӧм ляблун сьӧлӧмӧс эз нирт,
биа тышӧ кыпӧдчигӧн, тӧда,
кынмывліс кыз сӧнъяс пытшкын вир.

Татшӧм здукӧ чужліс тшӧтш и ярлун,
кодӧс бордъя пуляӧн он ви.
Помнита, кыз миян комиссарным
медводз пыкис паныд локтысь би.

Вӧлі тулыс... Вӧлі сэки тулыс,
руаліс став морӧс тырнас му.
Татшӧм лунӧ босьтіс Харьков улын
усьӧм комиссарӧс братскӧй гу.

Югыд шонді лыдтӧм югӧр раддзӧн
вольсалӧ быд ю, быд сӧн, быд кӧдж.
Сійӧ, коді биа туй эз аддзыв,
тулыслысь став мичлунсӧ оз тӧд.

Шуласны тай,— нывъясыд пӧ нэрӖсь,
налы колӧ мелі нюм да сыв...
Миян батальонын вӧлі Вера —
санинструктор, сӧмын ӧти ныв.

Дзоридзӧн и вӧлі сійӧ налы,
кодъясӧ эз ӧтчид сотлы би,
ранаяссӧ эталысь и талысь
эз ӧд ӧтчид кӧртав сылӧн ки.

Витсӧ зонлы Вера вӧлі чойӧн,
но кор шогсьӧ сьӧлӧм, ноксьӧ сям,
ловзылӧны вӧтын моз сьӧд войын
гӧтыр и невеста, и бур мам...

Дерт жӧ, налысь мелілунсӧ юкліс
руд шынеля ёртъясыслы ныв,
морӧс бердас сӧмын кӧть и кутліс,
кодлӧн сьӧлӧм тӧпкӧмыс эз кыв.

Татшӧмӧн и сійӧ эськӧ колис
нэриник, но сӧстӧмлуннас ён.
...Мездыны Чугуев врагысь нӗлысь
кыпӧдчыліс миян батальон,

но ӧд овлӧ,— битӧ би оз керав,—
ӧти воськов водзланьӧ он пысьт.
Киссьӧм вичко вывсянь свинеч шерӧн
ытшкис автоматъясысь фашист.

Шөйөвшны позьё сэтшөм кадө,
кор комбатлөн гөлөсыс оз кыв...
Сувтис сэк да уськөдчис гөрд флагөн
враглы воча мян муса ныв.

Сы бөрся став ярлуннас тыр гыөн
косьё пырис взвод бөрся выль взвод,
Северной Донецлөн көдзыд рыё
медбөрья фашист кытчөдз эз вод.

Вера куйлис ичөтик куш эрдын,
чегөм дзоридз эз нин восьтылы син,
но пыр кутис аслас морөс бердас
йиджтысьөм пөсь вирөн паськыд бинт.

ПАРИЛОВЛӨН ПУШКА

«3963 номера пушка-гаубица мунис фронтөвөй туйясті 2280 километр, лыйис 4080-ысь да шыбитіс враг юр вылө 200.000 килограмм биа көрт. Дивизионөн командуйтіс П. П. Париров».

(Пушка-гаубица щитыввса гижөдысь).

Ленинградса музейысь
ме аддзылі пушка,
кодос кытшө пыр босьтöны
воливлысь йöз,
көть и важөн нин
биён да тшынён оз чушкы
да и некодлы öні
оз петкөдлы грöз;

бытьё мудзöма,
сувтöма сьöкыд туй бöрын,
помöдз вöчöма ассьыс
зэв колана удж:
черань пасьясөн морöссö
мичмөдөм вөрөг
мөдар югыдас тшөтш
медым казьтылас пуж...

Кыксё тонна снаряд
пушка козьналіс сылы,
быд снаряд тайö пушкалөн —
буриник дзоль!
Пон моз дурмөм фашист
ассьыс кусö ни лысö
чужан мунымöс пажöсьтны
эз сэссия коль.

Тайӧ пушкасӧ кисьтисны
вына Уралын,
сийӧс некор оз вӧрзьӧд,
оз мисьтӧмтлы сӧм...
Павел Павлович, тайӧ
роч славалӧн залын,
тэнад, коми геройлӧн,
оз кувлы жӧ ним!

Көрткерөс нөрысын сувтөдөма
нывбаба-мамлы памятник.

Эжва весьтын оз каля, оз каля
еджыд бордъяснас сынөдсө гөр.
Керөс нөрысас важиник шалля
пөрысь нывбаба оз прөста бөрд.
— Муса пиукөй, кытчө тэ вошин,
мыйла ас йывсьыд юөр он сет?
Теплоход миян пристаньсянь косіс,
а тэ ме дінө бара эн пет!..
Комын во нин ме быд тулыс тадзи
тэнад туйыдлысь виччыся пом.
Война вылад кор мунін, пыр аддза,
кутшөм вөлін сэк мича да том.
Мамлөн сьөлөмас сэтшөмөн колян,
эндөм нывлөн тшөтш дойыс оз ям...
Уна ва кывтіс-визувтіс ёльын,
унджык пось синва кисьтіс быд мам!
Эжва весьтын оз каля, оз каля
еджыд бордъяснас сынөдсө гөр.
Оти ордымөд важиник шалля
локтө нывбаба гортланьыс бөр.

АНАНИЙ РАЗМЫСЛОВ

Уси 1943 вося сентябрь 30 лунö, гуалöма брат-
скöй губ Кременчуг кар бердын.

Комын арöсöдзыд стопка спирт эг юлöй,
пыдди пуктылiм ми сöмын юмов чай.
Вевъялам на мöдысь коркö, шулiм,
миянлысь оз мырддыны кö пай.
Медся ёна радейтлiм веж парма,
ылыстчыны сыысь вöли жаль.
Тöда, мыйла, торйöн, ыркыд арлань
кыскис тэнö аслад муса Паль.
Эг тай тöдöй, олöмным кыз пукяс,
кымын кывбур гижас тэнад ки...
Куим кывйöн сöмын öд и юксим,
Днепр вуджигöн аддзысьлiм кор ми.
Биын сотчис ставнас Украина,
рытывлань кöть кывтiс тышлөн гор.
Кывбур пыдди враг туй вылö мина
тэчис сэк поэт да смел сапёр.
Муслункöд кыз лöглун вермö овны,
медся бура тöдмалö салдат.
Петiн кö тэ тайö тышысь ловйöн,
аддзин, кызди сувтiс сотчöм сад.
Тэнсьыд гу выв мутö босьта киö:
шогöй некор сьөлöмысь оз ям!
Коми мулөн вöлiн тэ бур пиөн,
өнi Украина и Россия —
кисьтöны пöсь синва куим мам.

◆ ◆ ◆

Дасысь суйлас пошта кудйö кисö,
шогсьöмысла ачыс лои виж.
Пи вöснаыс мамлөн сьöлём висьö,
кодi важөн нинём нин оз гиж.
Кильчö дорас петалас да сувтлас,
гөгөрвотөг босьтлас юрсьыс шаль.
Муса пиыс, ланьтём öшинь улыс —
нывбабалы ставыс помтөг жаль.
Асьядорөдз сьлөн синмыс восьса,
сьöлём дойыс морөссьыс оз ям,
думайтö пыр: öни öдзöс восьтас,
пырас пиыс, шуас сöмын:

— Мам...

Но оз овлы му шар вылын чудö,
мортлысь шогсö нинём дзик оз вен,
көть и коркö збыльысь, гашкö, чужö
миянöс быд шогысь мездысь ен.
Кодi тöдас, көни мамлөн пиыс,
мыйла сийö куим кыв оз гиж?
Ылыс му пом бара сотчö биын,
чардалёмнас енэж дорыс виж.
Верми кө ме öни тайöс вöчны,
чукөртны быд мамлысь сьöлём дой,—
кыпөдчи да медся джуджыд рöчсянь
вувзи зывök понлы моз жö:

— Сөй!..—

Сылы, кодi сöмын лёклун көдзö,
зверьяс рöдысь морттуйö оз пет.
Муывса став мамыяс синьяс водзын
зывök пон моз джагалö жö мед.

Быдён кокаось, а тайё коктём,
беддясигтыр уличаті локтё.
Быдён нюмъялөны — а тайё зумыш,
донтём шутка шыбитны оз думышт.
Коркё вөвлі быдён кодь жё тэрыб,
кужис ворсны пилаён и черён,
босьтны гётырпусё вына сойён
дзоридзьясён өвтысь тувсов войё.
Важён тайё вөлі...

Вывті важён!

Өні сылөн кык көстыль став гажыс,
кык көстыль да пенсионной книжка,
вурьсыяс да дойяс коді йиджтіс.

Кызди ставыс лои — оз и помнит,
эз көть вөв сэк ачыс вывті том нин.

Сы вылө и лосьөдөны мина —
көинөс моз мортөс медым вины.

Но эз вины!

Сьөлөмыс эз сетчы,
шонді сылөн син улысь эз лэччы,
вөрлысь шувгём, лэбачьяслысь сьылём
медводз сійё казялө да кылө.

...Быдён кокаось, а тайё коктём,
беддясигтыр уличаті локтё.

Кежыштөй, министрьяс,
кежөй, зоньяс,

сійё аслас олөмнас эз доньясь,
уськөдчис кор восьса синмён биё...

Копыртчылөй коктём мортлы, пьян!

Амур весьтын асыв
гөрд огырысь дон,
лөз енэжлөн ясыд
и пыдөс, и пом,
морт пельпомөдз сидзө
быд веж турун сі...
Граница сэн видзө,
граница сэн видзө
Печораса пи.

Дыр кытшовтө шонді
веж вөръяс да му,
сэн пемдыны пондас,
а Комиын лун,
и казтыштас сійө,
пилоткаа зон,
Печораса бияс,
Печораса бияс,
да ыстас поклон.

И гижасны нывъяс,
оз чөв овны дыр,
смел зонмөс пось кывъяс
мед шонтöны пыр.
Амур вывті ылын —
ог друг сэтчөдз вудж,
но зонлы и сылы,
но зонлы и сылы,
пыр нюмъялас шуд.

Амур весьтын асыв
гөрд өгырысь дон,
лөз енэжлөн ясыд
и пыдөс, и пом,
морт пельпомөдз сидзö
быд веж турун сi...
Граница сэн видзö,
граница сэн видзö
Печораса пи.

У сьӧ лым...

Усьӧ кӧч гӧнысь кокниджык лым,
тэнад пельпомад пуксьӧ да син водзын сьлӧ.
Тэнад сьӧлӧмыд ме дінӧ век на зэв пым,
куим во кӧть эг аддзысьлӧй, сьӧлӧмшӧр-нылӧй.

Куим во...

Куим во чӧжӧн дзормывлӧ юр,
ассьыс шудсӧ кор ныв ылі туйысь оз виччысь,
а ме сулалі сэн, кӧні кывтӧ Амур,
кӧні мореӧдз нюжаліс миян граница.

Лун и вой...

Лун и вой эм салдатыдлӧн удж,
коді зоньяслы пай вылӧ усьӧма — служба!
Ассьыс чужан му радейтны сійӧ оз куж,
кодлы веськодъ дзик му вылас медмича дружба.

Усьӧ лым...

Усьӧ кӧч гӧнысь кокниджык лым,
тэнад пельпомад пуксьӧ да син водзын сьлӧ.
Тэнад сьӧлӧмыд ме дінӧ век лоас пым,
ещӧ дырджык кӧть торъявлам, сьӧд синма нылӧй.

Дежнев Семён мунё царлы Сибирь пөкөритны сійө жө туйөд, кыт ветлывліс коркө Ермак, роч йөзлөн му дінө выль муяс лөсьөдчө йитны, чукөртны царскөй казнаө тшөтш унджык ясак. Устюгса вичколөн жыннъяс бовгөны гора, медасьны кузь туйө быдласянь локтөны йөз. Казьтылө кодкө Мезень, мөд морт ошкө Печора, морөсыс кодлөн вой море кодь паськыд да лөз. Устюгөдз комияс кыссьөны пармасынь подөн, кывлісны тшөтш, мыйла бовгөны жыннъяс тан. Юасьө Дежнев Семён, царлөн сюсь воевода: — Мый кужан вөчны тэ, висьтав вай, Дмитрий Зырян?.. Пармаса морт воча кывйысла зептас эз пырав: — Гөрны да вөравны... Зумыштчис Дежнев Семён: — Гөрысьыд, аддзан тай, быдлаын шөйтө со, тыр эм, вөравны велалас, ме думысь, медся рам морт!.. Мый ещө кужан тэ?.. — Тшупа да кыпөда керка, ас вылын, ковмас кө, пармаысь кыскала кер... — Тшупсьыны, төда, быд нывбаба войвылад вермас, лэчыда төчит да сет сөмын киясас чер!.. — Бипуртөг, тшөктан кө, талун көть лым вылын узя!.. — Тшөкта кө...— виччысьтөг меліа югнитліс
Дежневлөн син.
Пармаса мортлөн тшөтш скөрлуныс сьөлөмас пузис, морөссьыс воштыны кутіс нин тіпиктанін. Дмитрий Зырян дөрөм сосьяссө гыррдзаөдз пуджис, сьөлыштис киас да кабырсө мыччис, кыздз сюр: — Медбөрын, быдөнысь ярджыка тышкасьны кужа...

Ог повзы, Дежнев, роч войтыркөд пуктыны юр!..
Сывъяліс пармаса мортос сэк смел воевода,
мыш саяс өшөдіс ассыс кремнёвка да шы.
Кольөдіс найос ен вөляөн ылыс походо
вичкояс жыннянлөн дыр ещө лөнявтөм шы.
Моресянь мореөдз паськөдчис миян Россия!
Асылын шондіс мыччысьө-петкөдчө кысь,—
сэні и узьоны, ыджыд Сибирь помын, пиян,
кодьяслысь подвигсө мырддыны некод оз лысьт.

ЗАКАРПАТЬЕСА РАПСОДИЯ

В ай сулыштам тан,
көнi төв сөмын шөйтө,
важ замоклөн изъясыс
куйлөны куш,
а налөн ёсь йивъяслань
жалиттөг нөйтө
веж бурься сьылисө
көртвомтөм Уж.
Ог вөтась, а аслам ме
синъясөн аддза
Карпатьяслысь енэжлань
кыптөм быд йыв,
а шонділөн югөрыс
зарни раддзөн
оз весьшөрө мичмөд
веж пожөм да ньыв.
Быд из и быд пу
менама сьөлөмлы матыс,
кыдз став Украина,
сөветскөй став му.
Брусиловлөн егерьяс
усины татөн,
гвардеецъяс-ёртъяслөн
эм уна гу.
Карпатьяслы мездлунсө
вайисны найө,
мед некод оз торйөд нин
миянөс нэм.
И төдмалі бура,
мый Ужгород сайын

бур другъясыд миянлөн
зэв уна эм.

И дас море сайо
оз пышйы ас гортсьыс,
оз корсь сзсь гуцул
аслас челядьлы шуд.

Ме аддзылі татысь
— быд сикт и быд ордым,
но шог Верховинаысь
корсьны эг куж.

Важ замокъяс видзёны
зэв мича мойдъяс,
но выль мойдыс чужто
быд сёлёмын би.

Мед менам тшотш муслунёй
помасьтөг ойдё
да тэнё тшотш, вокос моз,
сывъялё ки.

Менам паметын ловъя пыр тэ —
 мугыд чужома, шуда,
 ылі Чилиысь воом поэт,
 муса Пабло Неруда,
 быттьо аддзысим мёдысь
 да бара нин сулалам орччон,
 морос йорышад сёлөмыд
 ми вöсна төждлунон дорччö.
 Смоль сьод синъясысь казялі сэк —
 паськыд синкымъяс улысь,
 мыйта шог, мыйта дой
 найö йиджтисны зэв ылыс мулысь,
 аслад Чилилысь, тшыггункöд
 корысьлуң ыдждалö кöні,
 генеральяспöн вир пыдди
 сыв ыргөн визлалö сöнас.
 «Воас кад, — шуин сэк, — кор и Чилилы
 шондiыс петас,
 гортса адресöс тэныд ме,
 войвывса гижысьлы, сета.
 Волан видлыны менö да
 менсьым тшöтш чужан Сантьяго
 аслад зэв ылі Комиысь,
 пожöмön шыалысь ягысь».
 Тайö гижöднас, висътавны сьöкыд,
 пыр кыдзи ме радлі,
 быттьо тэнад жö сьыланкыв
 юраліс виль Сталинградлы,
 кодöс, зымгис кор сы бердын
 тышъяслөн вöвлытöм горыс,

лэчыд шыкөн да логлунөн
өтвылысь кыкнанным дорйим.
Ылыс Чилиё нуис корабль
сэсся мянлысь другос,
кык пөв гораджык сьыланкыв
сьөлөмсьыс перйис Неруда,
мича сьыланкыв сы йылысь,
збылысь кызд кыптыны пондiс
аслас му весьтас ми кодь жö
дзирдалысь, куслывтөм шондi.
Зывök казътивны нимъяссö,
сьöd, шуштөм нимъяссö налысь,
кодьяс ловныслысь рөмсö
оз торйöдны нюйтысь да саысь.
Найö петöны пыр, кызди овлывлö,
зэв гудыр йирысь
сувтысь кыасö пöдтыны
уджалысь войтырлөн вирөн.
Буретш найöс Неруда, сьöd мутиöс,
нэм чöжыс ёрис.
Налы сьöлыштіс чужöмас...
Аслас тшöтш сьөлөмыс орис!
Сэтчöдз кута ме пыр,
кытчöдз ачым ог чег да ог вижöд,
видзны сьөлөмкöд öтлаын
Пабло Нерудалысь гижöд.

Кывлан да,—
радысла виччысьтөг нюмдан:
гораа чуксасьö «Патрис Лумумба»,
бара нин тэрмасьö,
кытчöкö катö,
йылыс Печоралон
абу зэв матын.
Лунвывса госьты
став сьөлөмсянь чолөм!
Виисны тэнö,
но, аддза ме, олан,
важ мозыд чуксаян-кыпөдчан тышö,
мачтанад орлалан
сьöd кымөр-кышöd.
Кучикным еджыд
да сьöd ной кодь көть и,—
враг пиньсö ми вылө
жерйөдлө öти.
Отвылысь сійös,—
мед чермунас!— ёрам,
тэнад быд вир войтысь
кыпөдчас дзоридз.
Регыд нин
Африка му весьтын асыв
миян кодь сэзь лоас,
миян кодь ясыд.
Тайö оз гөрд флаг
Печора ю весьтын,—
сьөлөм Лумумбалон
дөлалө-песьсö!

◆ ◆ ◆

Быд чуктӧм из важ мойдъясӧ тась пырис
да казътивлыны кутас кольӧм кад,
но видзӧд, том грузинка кызди шырӧ
вуж дозйӧ бура воӧм виноград.

Быд заӧ ӧшйис сълӧн сьӧкыд розйис
да виччысьӧ нин, орӧдасны кор.
Быд розйысь, кызди аслас югыд позйысь,
тэ ӧні аддзан зарни шондӧ тор.

Сьӧд синкымалӧн воськолыс зэв тэрыб,
оз сьӧктӧд сылысь пельпом сьӧкыд доз,
ӧд шондӧ чужтӧ мелӧ нюм да серам,
а мудз да шоглун сйӧ некор оз.

Боржоми.

Море, лöz енэж да вежтаслөн визь,
на весьтын дзор Карадаглөн съод из:
кымөрөдз кыптöма, сулалö чöv,
сы вывтi гораа шутьлялö тöv.

Кутшлөн ён борд меным öнi оз ков,
кымөркөд сывъясьны лолöй оз пов!
Тöлыслысь шутьлялан шысö ог кыв,—
лэбач моз паськöда, нюжöда сыв,
некутшöм море и некутшöм йир
сьөлöмысь талун оз кöдзöдлы вир.

Мед тэрыб лэбачлөн позйын эг чуж,
тöдмалi сылысь и радлун, и шуд,
сывъявлi енэж и вежтаслысь визь...
Со кутшöм тэ, Карадаглөн съод из!

Мед öнi пыр на чуймö,
 кор кылас аслам пель:
 ме вöли сэн, көн куйлö
 Великой Рафаэль!

Оз шондi ассьыс югөр
 важ Пантеонö кисьт.
 Тась ловзьöдiс быд вуджөр
 художник кийн кисть.

А лов шыыс кор ори
 да кутiс кусны син,
 ас горт пöv вылас корис
 дзик öти катшасин.

Ой, кутшöм меным дона
 став мичнас ыджыд му!
 Но мый вöсна Мадонна
 дзик нинöмтор оз шу?

Пöсь сьölöм сувтö паныд,
 лөж терпитны оз куж.
 Эз тэныд, Ватиканлы,
 бур гений коркö чуж!

Мöд муывывса кöть пьян
 важ Римын лоам ми,
 но тöдам, кодлы сиис
 Секстинскöй заллысь мич.

Мед лөклун песö сiйöс,
 оз бергöд кодi жель...
 Пыр лоас сöмын миян
 Великой Рафаэль!

◆ ◆ ◆

Лолала Сочи сынөдөн,
морелысь кывза горсö.
Юр вылö чöла гылөдö
тунг ассъыс косьмөм корсö.

Томджыкъяс орччөн йөктöны,
вөрöны гажа бияс.
Мый öнi тадзи өктöны
пемыдас дзугсьөм кияс?

Войын став шыяс мелiсь,
быд шы көть аслыд курышт!
Енэжас тöлысь келöма,
öшйöма увлань юрөн.

Кыкөн ми ськөд өтдорось,
кыкнанным өткодь дзорось,
некор ог мунöй мөд дорö,
некодлысь син ог ёрöй;

лолалам Сочи сынөдөн,
морелысь кывзам горсö...
Му вылын ставыс кылалö,
выль томлун сөвмө-ворсö!

ВИДЗА ОЛАН, ШОНЫД МОРЕ!

Сизим төлысь синмөс ёрис
сөмын йи да лым...
Видза олан, шоныд море,
дзоридзалысь Крым!

Юкышт ассыйд сөстөм сынөд,
Карадаглысь ру,
ставсө, мыйон сэтшөм вына
тэнад ва и му.

Кык нэм овны ог өд көсйы,—
тырмас өти нэм!
Но пось муслунон пыр öзйысь
сьөлөмөй мед эм.

Сідз, кыз море ворсө гынас,
пессьö лун и вой,
мича сыланкывъяс кыны
пыр мед вöлі збой.

Кодлы найөс öні сиа,
сета сям да вын?
Сөмын өти эм Россия,
өти зарни Крым!

Нутшом паськыд тэ, Россия,
 миян чужан му:
 мича каръяс, зарни бияс,
 лыдтом шор да ю!
 Коймод лун нин водзё нуо
 кортысь дором вөв.
 Миян бөрся сөмын пуо
 лэчыдалысь төв.
 Пуяс котортоны воча,
 нюждөны ки.
 Тода комион и рочон
 дзик быд турун сі.
 Съолөм пытшкын ловйон кольо
 налы вөчлөм дой.
 ...Харьков, Курск да Гуляй-поле,
 уна сьокыд бой.
 Югыд асыв помтом эрдын,
 лысваасьо му.
 Отнас ланьтис корт туй бердө
 ыджыд братской гу.
 Тани, пöрысь тополь улын,
 узьо коми зон.
 Ог, ог төд ме тайо мулысь,
 кыдзи мамлысь, дон!

СЕРАМ ДА СИНВА



КЫДЗИ СЕМӨ ДЕДӨ КУВСЬӨМЫСЬ ЭНОВТЧИС

Кувны мян Семө дедө
лөсьөдчө быд төв:
эз өд мөдлы сійө шедөд
горт вөчан квайт пөв.

Шог тай морттө сөмын суис,—
шогыд дойдны дась!—
квйтнан пөвсө кодкө гуис
да тшөтш кувсян пась.

Ёна лоліс дедлы гажтөм,—
нинөм өд он вөч!—
гуад аслас экипажтөг
оз жө колльөд пөч!

Семө дедлөн аслас сюсьлун,
век жө, тырыс эм:
«Менам, шуө, тырмас муслун
овны ещө нэм,
но а сійө, коді нуис
горт вөчан квайт пөв,
медым ме пыдди нин гуад
пырас локтан төв».

— Пасибöысь пась он вур!—
кодкö меным шуис,
быттö коскö лэчyd пурт
мунігмозыс суйис.
Сідзкö, öні, муса зон,
синмöй збыльысь воссис:
кöсьян быд воськолысь дон
бур йöзыслысь босьтны.
Шуам, джöмдіс пöрысь морт,
а тэ пыран зептас,
донсö сыысь мынтас кор,
сэк сійöс и лэптан.
Вöйны кутас ичöt ныв
тыö либö юö,
сылысь горзöм, дерт, он кыв,
кылан кö нин,— шуан:
— Мынтысь! Ва вылад эн дур...
Сöвесьть тöдны колö...
Пасибöсьыд пась он вур,—
сытöг ме нин ола!
Шуштöм, зывöк, гөгөр паж
татшöм сяма мортыс.
Миян туйысь, шуа, кеж,
таляв асьыд ордым!
Тэнад нога сьыланкыв
миянлы оз сибав...
Медся мича АТТЬÖ кыв,
мöд ногөн, ПАСИБÖ!

Гöтыр несйис:

— Будь здоров!..

Сэсса содті:

— Сё во ов!..

Чайті, нюмъёвтас, но эз,
синсö вевттис чераньвез.

— Ак тэ,— шуö,—

пöрысь сюзь,
пыр на важкодъид

тэ сюсь:

кöсьян кольны ассъид джын,
но öд кокниа он мын..

Мöдысь несйис гöтыр.

— Ой,

олан медбöрря
лун-вой!..

Чайті, вижöдлас, но эз,
тувйысь босьтіс сюмыс гез,

мыччис меным кляча пом,
бытьö понлы

крепыд дом:

— Меысь всё равно

он мын,

сьöрысь кыска,

тырмас вын!..

Öні чöв ола

ме пыр.

Несъяв, гажыд

эз кö быр!

ЖӨНИК ДА НЕВЕСТА

Рөмпөштан пыр видзөдлі
аслам чужөм вылө,
повзьөмысла вижөдліс
весиг ыджыд нырөй.

Кватитчи, сө мокасьтыд,
абу, вөлөм, том нин,
кодыр тэкөд окасьлі,
сійөс ог нин помнит.

Уна тшупөд кольөма
кымөс шөрө кадыс,
тыдалө, мый олөма
абу детскөй садйын.

Тэсө пыр на баситчан,
көсьян лоны томөн,
ме водзын тшөтш тшапитчан
аслад пиньтөм вомөн.

Прөста менө дивитан,
сойборд увсьыд вештан,
куш юрысь и си мында
нинөм нин он нетшкы!

Пөрысьлунысь полөмлысь
шоглун вуджам весьтас.
Сьылігтырйи олам ми,
жөник да невеста!

МЫЙ ЛОӨ ВИНА ЮЫСЬКӨД, КОР СИӨ ВЕСЬКАЛАС АДӨ

Ёртöй кувсис да эз босьт
кувсьöм йывсьыс справка.
Мöдар югыдас эз восьт
чöртыд сылы лавка.

— Курыд зеллятö он лак
öни,— шуис,— татöн...

Ачyd мыжа тэ, земляк:
эн во аттестатöн!

Босьтис морттö курыд шог,
спиртсьыс курыд, збыльысь,
вöвлöм гортас пуктис мөг
писькөдчывны выльысь:

— Лэдзлы лун кежлö кöть, чöрт,
аслыд вая шкальчик...

Сэссия биа пöртад йöрт
да кöть вылас тальччы!

Дзикөдз скöрмис сюра бес:

— Взятка вöзьян меным?..

Содтис пöрт улас кос пес.

— Спирттöг пöжсян сэни!..

Вöли кö, дерт, гижöдтор,
мый тэ ал-ко-го-лик,
серам вылö тэнö, морт,
чöртпиянлы коли.

Татчö веськалысь быд гöсть
медым тöдö, пиö,
серам овлö биысь пöсь —
морттö медводз виö.

КОРЁСЬТӨМ ПЫВСЯНЫН

Корёсьтөм пывсяныд —
абу пө пывсян,
важысянь йёз пөвстад
татшөмтор кывсьё.

Дыш коммунальниклөн
кок сөныс орё,
төв кежлө ваяс кө
куим гоз корёсь.

Орсьёй, дыр швачкөдчөй,
пывсянса войтыр,
киссьё мед мышсьыныд
нылём съөд войтыд!

Дышөс тшөтш пөсьджыка
орсьёдөй вежмөн,
содтыштөй корёсяс
чорыдджык лежнөг.

Корёсьтөм пывсяныд
збыль абу пывсян...
Зэв ылөдз мед
миян
пывсяныд кывсяс!

СИНЪЯС

Мортос син сертиыс тодан,
кутшом сийо эм,
он тай лосьод сылы подан,
коть и олан нэм.

Отилон ко сийо жугыль,
модлон вывти збой,
оз и бырлы лэчюд югор
либө кынмис вой.

Синкым увсянь коймод дзорго,
чайтан, лек да скор,
коть и, овло, зумыш ордад
леклуныд оз тор.

Коди ошкас сэтшом синьяс,
кони тодчо лож,
нэмсө корсьны ыджыд чиньяс
налон оти тожд.

Сийо, гашко, выли лэбө
да оз ена дыр,
бур войтырысь синьяс дзебө
олигчожыс пыр.

Весиг син лапнас оз лапнит
ыввти наян морт,
кодлысь пельк, но донтөм тшаплун
дивитыштас ерт.

Синъяс...

Быдтор дзєбны позьö,
весиг ним и ов,
но кык синмын, кыдзи кодзув,
олö аслад лов.

Мед быд мортлөн аслас рöма
синъяспытшса сер.
Быд чир аддзам йöзлысь сöмын,
ас синмын кöть кер.

Воас кад, кор дзикöдз бырас
пашпортыдлөн дон,
му шар вылысь сійöс зырас
сöстöм синма зон.

Ставыс лоас бур да муса —
сьöлöм, мöвп и ки.
Некод синъясысь оз кусöд
öти шуда би!

НЫВБАБА НУӦ ДЗОРИДЗЬЯС

Медбӧрья турӧб мед пессьӧ на,—
сылы тадз колӧ кӧ,—
нывбаба нуӧ нэр дзоридзьяс
аслас посёлокӧ,
морӧснас шонтӧ да пальӧдӧ
найӧс пӧсь лов шынас,
мед сӧмын тулыскӧд тшӧтш
найӧ, коньӧрьяс, ловзясны.
Нывбаба нуӧ нэр дзоридзьяс...

Колӧ тадз эскыны:
вевттыны найӧс жӧ аслас
дзик медбӧрья эшкынӧн,
пукавны войын да висьны,
мый ывлаыс ыркыд на,
енэжыс лым чир и зэр
сылӧн чужӧмӧ пыркӧдӧ.
Мун, сьӧкыд тулыс! Веж дзоридзтӧг
гажтӧм посёлокас,
вӧр-валысь мичлунсӧ
радейтысь войтыр сэн олӧны.
Нывбаба нуӧ веж дзоридзьяс...
Лелькуйтӧ найӧс да киськалӧ,
мукӧдлы тӧждлунсӧ юктӧг
да гораа висьтавтӧг.
Видзӧдӧй, любуйтчӧй,
ассыыс кыз сӧ рӧма паськӧмсӧ
талун посёлокыс тӧ водзӧ
радпырысь паськӧдӧ!
Збыльысь сэн праздник,
и премия юклӧны клубаныс,

мыйта сэн нюмыс начальстволон,
мыйта сэн любоныс!
Нывбаба сомын оз тыдав...
И сийос оз казътивны,
ошконы асьнысö быдөн
да пельклунсö асьыныс...
Мыйла оз вермыны дзоридзьяс
ме моз жö горöдны,
лөж улö веськалом
асьыныс вужьяссö орöдны!?

МЕНАМ ЁРТӨЙ ДЕНЬГА ЧӨЖИС

Менам ёртөй деньга чөжис,
кыдзсюрө эз видз,
сэсса аслас дача бөжас
көрталіс «Москвич».

Тайө кадсяньыс и регыд
вежсис шуда морт,
кодкө быттьө дзыкөдз чегис
активистлысь борд.

Водзті өтвылысь да подөн
тшакла кутліс туй,
өні татшөм культпоходыд
сылы эз нин туй.

Весиг мустөммис трибуна,
сёрни лоис кос,
и профсоюзыдлы вуніс
сетны членскөй взнос.

Морөспытшкөсса пось пачас
овмөдчис мөд гаж —
выль «Москвич» да ещө дача,
да ещө гараж.

Колис сувтөдны ён потшөс,
лөсьөдны лөк пон...
Оз өмөй и насянь во тшөтш
овмөс пөльтан дон?

Мыйкӧ шуны ёртлы паныд,
гашкӧ, абу бур.
Судзсяна олӧм оз янӧд
зіль мортыдлысь юр,

но... оз сісьты медым сійӧ
тэнсьыд, шуа, вуж,
да оз мыччысь мян пиысь,
нэпманпи оз чуж!

ВажӢн идравтӢм позыйн
бара юӢны гозъя.
Бара юӢны гозъя,
гашкӢ, сизимӢд доз нин.
НалӢн дулалӢм синмӢ
яндзим ньӢти оз инмыв,
дзикӢдз тыассӢм вежӢр
тупкис сӢм сера эжӢр.
Абу наӢдз Ӣд могыс,
кызди шуласны, меным:
аддза,
ичӢтик Лена
бокын сулалӢ шога.
СтавсӢ тӢдӢ и кылӢ
юыс гозъялӢн нылыс,
кодлы тавося арын
тырӢ вит да джын арӢс.
МамлӢн мелӢлун колӢ
сылы, батыслӢн сывйыс,
челядьлун абу долыд,
кор оз тӢд сыланкывъяс...
Мича аканьлӢн туйыс
Лена киӢ оз веськав,—
батыс сӢйӢс тшӢтш юис,
аддзис жер горшас места.
Сылыс мырддисны радлун,
кодӢ челядькӢд олӢ,
гортас локны детсадйыс
Ленук тӢралӢ-полӢ...
ИчӢт ЛеналӢн синва

ачыс ас кежас косьмис,
шога видзодысь синмыс
садъмём логлунён ёсьмис...
«Отсав ичотик нывлы!—
сьёлём чепсасьё-корё:
Юысь бать да мам тывйысь
мича дзоридзсё орёд!»
Сэтшём властьсё эз сетны —
нуны Ленукёс позйысь,
коть и юоны век на
и оз оти пеж гозья.
Но ме кыв кута сыысь,
кыдзи быд Лена олё,
радла серамлён шыён,
сийёс дойдысьсё ёра.
Мед жё сьёлёмысь биёй
тувсов чардби моз потас,
вина доз бердысь кияс
юысь бать-мамлысь сотас!

Коркө төдмавны жө колө
ассьыд сьөлөм вын:
чардысь-гымысь збыль-ө лолө
сийө нэр да кын?

Зэрыс вөрын менө суис,
сэсся кучкис шер,
шуштөм кымөр мелань уйис,
кыдзи лөкмөм зверь.

Чардби лөсышти с кузь пуө,
орччөн потіс мөд,
суйны юрөс кутшөм гуө —
эг нин бура төд.

Ачыс гымньөлыс тшөтш сорсис
сотны кутшөм ньыв,—
меным плешкө чөвтны корсис
биа адзлас йыв.

Повзьөмысла дыр на доли:
— Енмөй, менө видз,
талун ловйөн кө ме коля,
сувтөда тэд сись!..

Кымөр Эжва сайө вуджис,
ылын ланьтіс гым,
енлы сетны ассьым уджйөз
эг нин вөв зэв пым.

Казьтышти жө сисьсө сылы,
пудхлі дөрөм сос,
кулак чургөдлі зэв вылө,
мися, тэныд — со!

Кутшөмджыка тэсө олан,
өти вося ёрт,
пөрысьман да весиг полан
эновтлыны горт!

Сідзкө, мыйла миян стопка
талун пыр на кос?
— Гөтыр сыысь өд и ропкө:
эм пө тэныд рос!

Тшынасьыштнытө, дерт, коли
енэж шөрас розь?
— Врачыд өтитор и дольө:
куритны оз позь!

Кежавлам вай миян клубө,
абу өд на сёр!
— Нылыд менө оз нин любит,
шуас, вывті дзор!

Паччөр вылад вод да лыдды,
стенад кымын паз!
— Пачтө оз пуктыны пыдди,
лөсьөдісны газ!

Өні тэнад пызан помысь
яй ни вый оз чин!
— Жаль, мый коли менам вомын
куим да джын пинь!

Пиньтө тэчасны ён көртысь,
шогсыны оз ков!
Сідзкө, кутам на, бур ёртөй,
овны дзонь сө во!

МЕСӨ СЫЫСЬ ОГ ЛО МЫЖА

Месө сыысь ог ло мыжа,
артмас кө нин тадз,
бара пуксясны кор пыжө
асныра кык дядь...

Колө зэлөдчөмөн сынны,
пөсьөдлыны мыш,
өта-мөдлөн судзсис вынныс,
сөмын вөлі дыш.

Тувсов ю шөрад эн вуграв
да эн нюжмась дыр,
а вот миян муса другъяс
вензисны на пыр.

— Тэ сын!..— мөдлапөлөдз кыліс.
Воча:— Ачыл сын!..
Сиктлөн серпас важөн сыліс,
кызди бырө тшын,

көрт туй послөн пыкөд воис
джуджыд, ён да кыз..
Кык дядьө да пыжысь лоис
сөмын пилипызь.

ПОТАНДОРСА СЫЛАНКЫВ

У зь тэ, ичот ныв, узь,
арся войыд зэв кузь,
волас зэв уна вёт,
видзёд, кытчөдз он пёт.

Синтö пырысь-пыр кунь,
медым сывъялас ун.
Вөттö кылөдас ёль,
тэныд нинөм оз коль.

Эськө эм тэнад ай,
сөмын урөсмис тай:
спиртөн дубитчөм гаг
помся ректö сельмаг.

Абу морт,— юра нөш,
тэныд оз юкышт грөш,
кытчөдз грөшыс оз быр,
шөйтас-буалас пыр.

Яндзим йөзысь оз төд,
эз на зелляас пөд,
Дзыкөдз палялас кор,
лоас, төдан тэ, сёр.

Тэнсьыд бөрдөм, бур ныв,
сийö өні оз кыв...
Ассьыс вежыньтас вом
курыд олөмлөн пом.

Узь тэ, ичот ныв, узь,
арся войыд зэв кузь.
Ыджыд быдман да, тэ
сылы китö эн сет!

ПӨРЫСЬ ПАРӨ ЛЭБӨ КАРӨ

— **Б**абө, кытчө лэбан?

— Карө...

— Бабө, кымын тэныд арөс?

— Кымын арөс? Абу дас...

Таво тыри сизимдас!

Бара, пиук, кымөр сайөд

көсья кыпөдчывны райөдз...

— Райөдз?

— Райөдз, муса зон.

Райсө төдан али он?

— Ме эг кывлы...

— То-то, шуа...

Менө витөдысь нин нуө

сылань тэрыб самолёт.

Вот...

Первойысь, дерт, йирмөг вөлі,
кор көрт лэбач вылө сөлі...

Кымөр сайысь корся рай,

а мен вайөны пөсь чай.

Чайсө юи, преник сёйи,

рушкулы тшөтш лөсьыд лоис,

шуа: «Век жө, индөй мем,

көні олө мян ен?»

Кыла, сералөны:

«Бабө,

патераас енмыд абу!..

Тыртөм талун сылөн чом»...

Но оз чөв ов менам вом:

«Илля-пророкыс нө көні

ыджыд бөчка кыскө өні?

Петыр-Павел, шуа, вай
тэ коть восьтьв ассъыд рай!»
Некод абу...

Сомын кымөр
шонді улө помся пырө,
небесаыс помтөм лөз,
небесаын — бордъя йөз.
Карө лэбим өти часөн,
бытьё мөсла ветлі расө,
а кор гортө вои бөр,
шуи верөслы:

«Эн дзөр!..

Тырмас янөдны нин асьтө:
чукөрт став иконотастө,
рөвө... Эн, эн рөвө! Мун
утиль вылө ставнас ну».

Пөрысь гозья өні олам,
енлөн ёрөмысь ог полөй,
сылысь уна вося бус
сотіс лудік виян дуст...

Мыйла Парө татшөм варов?
Парө бара лэбө карө!

АЧЫМ КОМИ, ГӨТЫР РОЧ

Ачым коми, гөтыр роч,
пиёй — шөри вййын,
войтө рочөн шуас — ночь,
вййтө,— дерт жө, вййөн!
Пилён аслас эм нин ныв,
коді бура сяммө
гөгөрвоны мича кыв
украинка-мамлысь.
Коді зятьным лоас?

Мед
внучка босьтас дінас,
коми зонмыс оз кө шед,
колөкө, грузинөс.
Уна кывъяс вылын ми
сёрнитны ог полөй,
миян керка пытшкын мир
шудлун пыдди олө.
Кодкө повзъыштөма, збыль,
өтитор пыр нырө:
коми кывйыд пө, кызд мьль,
регыд дзикөдз бырө...
Вочавидза ме: эн сөр,
синванад эн кондысь,
оз кут йывмыны веж вөр,
дзирдалө кө шонді!

1.

Но и зэр, но и зэр!..
Көні сылөн помыс?
Бытьё дзикөдз ышмём зверь
койё аслас вомысь.
Кытчө дзедсян? Водзын видз,
юлөн паськыд отыс...
Татшём луннад дыр он видз
чукортыштём вотос,
да и котасьнысё дыш
лэбувтём куш эрдад.
Вельмём зэрлы менам мыш
абу сямөд шердын!
Одйё вувзи дөрём-гач,
чеччыштёмён... юё,
медым сійё менё тась
зэрлөн сывйысь нуё!
Прёща кора, висьтлөн пом
неуна кө кузьджык...
Сэки вөлі зэв на том,
но йёй зэрсьыд сюсьджык.

2.

Туйын мөдысь суис зэр.
Мый жё, шуа, вөчны?
Ковмас вуджны осььса эрд
сідз жё, кыдзи көчлы.
Пөрччи дөрём, чөвті гач

өти здукөн ассым,
лои, казяланныд, нач
пывсянын кодь пасьтөм.
Сэссия? Тэрмасьны эз ков,—
восьлав, мыйта колө!
Зэрысь-ваысь эз нин пов
менама ышмөм лолөй.
Гортө пыри шнички кос,
ньөти эг и көтась,
зэрысь нөдздөм вөлөк кост
эг весиг и вөтась.
Уна керлі смек да грек
томдырся на йөйөн,
эз өд прөста шуны сэк
Серафим святөйөн!

Вой кыа улын

Лунвылын олысь ёртлы	7
Коми му	9
Ленин орден	10
Ильичлөн лампочка	11
Нянь да сов	14
Медбөръя чөвлун	17
Завидьлун	19
Вуктыл	20
Посёлокын вой	21
Пармаса принцесса	22
Кывтö енэжті кöдзыд кымөр	23
Парторг	24
Мичлун	26
Эжва карысь письмö	27
Тувсов вальс	28
Асыв	29
Вөр керкаын	30
«Вөр-ва олöмын эм уна гусятор»	31
«Дивуйтча муон и ваон»	32
«Ставыс, мый аддза, чудö»	33
Вөрöд шöйтi	34
Полонез	36
Медбөръя старовер	37
Тарапа ты дорын	38
Печора весьтын арся вой	39
Танi вöли чорыд бой	40
«Кодзувьяс бара вөрöны»	41
Дедлөн вөралан керка	42

Вөралысь	43
Сөвөст	44
Кор турөб дурө	45
Руа арын	46
Чужан кыв кедзовтысьяслы	47
Кык пöрысь кылөдчысь	48
«Важөн муніс Сыктыв вылысь йи»	49
Машинаяс мунöны Усаö	50
Войвывса Джоконда	52
Индияса чай	54
Сьод уджлы ошкан кыв	55
Тундраса баллада	57
Öдзöс тас йылысь	58
Войвывса мойд	59
Идолъяс	60
Медбөръя пуръяс	62
Кык томлун	63
«Сылігтырйи кө нин муна»	65
Кылөдчысь	66
Важ юкмöс	67
Сотчö вөр	69
«Ме ог пöрысьлунысь кув»...	70
Комилөн ыджыд пины сиём кывбуръяс...	71
Тадз эськө кувсьыны меным...	74
Федор Прядунов	76

Сьөлöмын муслун

Туйö петігөн	79
«Ва дорын и видзьяс вылын чöv...»	80
«Кувсялöны тшöтшъяясöй менам»...	81
«Веж видз вывті котралöны дзоридзьяс»	82
«Быд мортлы аслас пайö усьлө»	83
«Мый эм мусаджык войся зэрысь»	84
«Кор босьтас тэнö курыд шог»	85
«Кымын олан, сымын лоан стрөгджык»	86

«Боржоми весьтö пуксис вой»	87
«Кык тополь костö кыз пу пырис»	88
«Асыводз»	89
«Висьма кө»	90
«Ылавын вөрö — ог ылав...»	91
«Базар вылын вузасьоны бербаён»	92
«Лэбöны Москваö рыт и асыв»	93
«Мамьясыд сэтшöмөсь найö»	94
«Ывлаын веж көдзыд лыйсьö»	95
«Помнита ме ичötдырся кадöс»	96
Пöлянöй тэ, пöлянöй	97
Вөр-ва — миян муслун	98
«И пötкаясöс»	99
«Вöрысь öкта вотöс-тусь»	100
Тшака зэр	101
Бурсиöм	102
Медбур зиб	103
«Малышок»	104
Пöрысь мам	105
Кызд нö тэнö он радейт	106
«Чер да пила ыдждалісны дыр»	107
Кöть зэр, көть лым	108
Кор дзоридзалö льöм	109
«Прöйдитас кымынкö тулыс»	110
Таво пелыся ар	111
Руа асыв	112
Анкетаö содтöдтор	113
Тöвся рытö	114
Пöрысь морт	115
«Тэнад öшиньсьыд кусі биыд»	116
«Котöртла рас вылö дивöла»	117
«Кöмтöм челядьлунöй бура тöдса»	118
Нюр вылын вотчигөн	119
Кык майд	120
«Туйыд кузь, кор вывті ёна мудзан»	122
Кык казьтылöм	123
Серпас	124

Кыдзи варчыны менö велöдисны	125
Арся войö	127
«Тэ мунін... Ставыс лои тыртöм»	128
Карса паркын	129
Кыдз пу вылын кырымпас	130
Кодзувъяс йылысь	131
Мам да пи	133
Акань	134
Кагалöн биависьöм	135
Луза вывса Лена	136
Тöвся вöрын	137
Челядь мунöны гортись	138
«Завидь сьёлöмтö кө йирö»	139
Бара огö төрöй öти позйö	140
«Надеяöс эг на вошты»	141
«Мортлы колö чöвлун»	142
Кузь сыръя чышьян	143
Слепöкур	144
«Пушкаяс оз гымавны...»	145
Тöда	146
Öтчид нэмын	147
«Став енэж аслас помтöм отнас»	148
Бипурбердса дружба	149
«Бара кывтö Руза вывті йи»	150
«Кутшöм лунö, кутшöм часö»	151
Сыланкыв	152
«Ты шöрын купайтчö тöлысь»	153
Биын оз сотчы	154
«Ичötдырся мывкыдөн да сямön»	155
«Дедыс уджаліс нэмсö»...	156
«Бур мамлы дона ныв и пи»	157
«Чайтанныд ті, вöлыд сöмын гөрдлö?»	158
«Дженьыд тэ, войыввса гожöм»	159
«Юкмöсö некор эн сьөлалöй...»	160
«Йирмөг арлысь бур эн виччысь»	161
«Сьöd дзоридз некор оз овлы»	162
«Дзик быдөн сöмын сійöс көсийö»	163

«Енэжыс быттьö розя»	164
«Видз выв öвтö маон»	165
«Киссьö шоныд тувсов зэр»	166
«Тöрыт на быттьöкö...»	167
«Тайö войö эн узь...»	168
Гора тулыс	169
«Поезд янсöдö да йитö»	170
Талун дзёбöны мортöс	171
Ичöтик пасторьяс	173

Войналөн йөлöга

Куслытöм би йылысь баллада	177
Войналөн йөлöга	178
Кывтасны вояс	180
Алькöс лыа берег дорын	181
Генерал Микушев да сылөн 41-öд стрелкöвöй дивизия йылысь баллада	182
«Дыр на, дыр на казьтивны ми кутам...»	184
Помнита дзоридз кодь нылöс	185
Париловлөн пушка	187
Эжва нöрысын	189
Ананий Размыслов	190
«Дасысь суйлас пошта кудйö кисö»	191
Коктöм морт	192
Амур весьтын асыв	193
Усьö лым	195
Сибирь пöкöритысьяс йылысь сказание	196
Закарпатьеса рапсодия	198
Пабло Неруда	200
Лумумбалөн сьёлöм	202
«Быд чуктöм из важ мойдьясö тась пырис...»	203
Карадаг йылын	204
Рафаэль	205
«Лолала Сочи сынöдөн»	206
Видза олан, шоныд море!	207

Серам да синва

Кыз Семӧ дедӧ кувсьӧмысь эновтчис	211
Медмича кыв	212
Тештор	213
Жӧник и невеста	214
Мый лоӧ вина юыськӧд, кор сійӧ веськалас адӧ	215
Корӧсьтӧм пывсян	216
Синъяс	217
Нывбаба нуӧ дзоридзьяс	219
Менам ёртӧй деньга чӧжис	221
Важӧн идравтӧм позйын	223
Вӧрын чардалігӧн-гымалігӧн	225
Пенсия вылӧ петӧм бӧрын	226
Месӧ сыысь ог ло мыжа	227
Потандорса сьыланкыв	228
Пӧрысь Парӧ лэбӧ карӧ	229
Ачым коми, гӧтыр роч	231
Зэр йылысь кык кывбур	232

Попов Серафим Алексеевич

СТИХОТВОРЕНИЯ


На коми языке

Художник А. В. Мошев.

Редактор В. А. Попов. Художественный редактор
С. А. Холопов. Технический редактор А. Н. Вишнева.
Корректор А. А. Надуткина.

Сдано в набор 28/I-1976 г. Подписано к печати 21/IV-1976 г.
Формат 60×90¹/₃₂. Усл. печ. л. 7,5. (уч.-изд. л. 6,86).
Заказ № 1355. Ц01820. Тираж 2500. Цена 83 коп. Бумага № 1.
Коми книжное издательство. Сыктывкар, Дом печати.

г. Сыктывкар, Республиканская типография Управления
по делам издательств, полиграфии и книжной торговли Совета
Министров Коми АССР.



232